



靜觀集
禮

詩

~ 16
2428
1



2428
1-9

勸觀齋集叙



創業與中興文藝家亦有
之我 朝廷安李氏比之
於澤則樛軒當為志幟翁
之月沙其鋒衣公乎月沙
聲名播聞 中朝至於江

浙之志則登所謂及漁腰
考款守成之難古人多言之
之矣白以吾不為永平之
初視其不為建初章和矣
乎東京首義之盛晦翁以
為光武明章之烈之史私

章帝事從寬厚文之以禮
樂之其治書者勿取浮華
不直以言語爭執之文則
其視息多論道治雍拜老
之先法抑多質據文之意
之又崇戒以知順人之莫

先昭天則之上達天統之
心又為君於文考烈祖考
矣教觀多可款出之資既
通朝籍歷踐華要日月之
位躬夕角至之既乃遠巡
却步卜築郊外日以講學

教身為務善矣後之子
喜朝稟集其平生所著詩
書文為數冊以續於先
世遺集之後余惟樗軒南
世宗文治一世一時文
章之盛採前耀後以守身

之執獨希元推當則之豪
健雄偉何可量哉之月沙
公祖述其業為大以昌為
國家軒輊又多賢子承繼
亦後又至其孫之有壽親
多則海東精英之氣可謂

萃於一家矣特歎嗟哉然
若得之三世述作則以乎
逸低一等如古語所稱之
若於壽親從事之實地則
抑不可謂不聞當仁不讓
之訓矣故其論著多有於

道法性命之原兮其求端
用力處正法人之說必依
於洛建結餘不統藻繪之
是者之已然則論澤家創
業中興與守家者固自有
次第之守家之中又不一

規模氣象之不同者今以
齋觀比之於建初章和在
否或庶幾乎否乎記曰
僣人必於其倫始為是說
欲以質於忠言之君子云
時

景祐昭陽志奮嘉五月
日思津宋時烈書

世所謂學士大夫生修昌辰朝
翔於執苑類以妙齡策名入金
門登瀛館揖讓人主之前朝夕
登庸者斯蓋稱其素願也已然
而乃有中自感奮絕意榮渥或
游宦江海之濱或寄跡郊數之

外其清風姱節之以廉頑而立
懦激厲頽俗者視諸平素之營
進一步耶至或知反吾道欽率
就實潛心經執蚤夜攷一真若
芻豢之悅口冀以棄榆之景窺
聖賢涵域者其又石謂出類拔

萃愈性而愈奇哉以余觀於近
世若靜觀齋先生李公者殆亦
當此義而無所愧矣公少以名
家子穎悟絕人並擅能詩聲云
何魁進士闈大科已通歷舉要
性、回事進忠深得諫臣夙會

青齋集卷之六
值 孝廟勵精復招宏亮賢者
公乃與之迭侍討論經義便所
然有會始克存心於正學改而
聖主遽捐羣臣公知公道日
就終必有消長之憂拜官輒力
辭再分郡符以至自遊于東密

築室靈芝洞中為終焉計於是
益取六籍洎夫程朱遺訓細繹
玩味未嘗少懈以謂天下之樂
無可易此者要必見諸行事而
後已中外學子多從之游蔬糲
或不給爰之道然也嗚呼其亦

愈奇矣哉世采不佞竊幸曰是
有所感焉夫詞章光顯世不乏
人惟公能嗣述祖考以鳴國
家之盛固非邁迨昆弟比矣恬
退之道亦多出於老成間逸惟
公以壯歲通班引疾求外遂乃

逶迤東歸雖自謂錢樞密羅文
毅只當讓其次矣而蚤決矣而
况學問必以師資講習為重惟
公又能仕優自悟專心探索卒
放於仁義道德而其言藹如蓋
六闡風興起於我退陶諸先生

矣是雖天不假年使公志業有
未盡究者總之其樹立歸趣由
粗入精衆美畢臻猶之為薦紳
之所仰章甫之所慕異己之徒
不敢問然者嗚呼斯豈不重可
竒也哉公於為文多濺博發質

清而用周強疎一時諸公所及
獨性不喜規一作者矩度以及
儒學尤主於演義理達事情操
筆立書終不點檢惟潤磨如川
源之水無一停滯而池沼溝澮
各賴其用於詩章必且屏玄

藻繪表著名理可見晚境所得
者深也始公胤子喜朝叔訪選
藁發余略加編定有所題識矣
乃者來謂闕址伯尹公趾善取
而剞劂之工如告訖願更有以
備述先人平生實諸卷首庶幾

未者不迷於考信也余思雖不
獲謹叙其本末如此云歲舍玄
默閏茂六月乙未內弟潘南村
世采拜書時

崇禎紀元之後五十五年也

靜觀齋先生集目錄

卷之一

詩

秋日過德原公子舊業有感口占

夜會洪子晦丈履亮草堂次主人韻

奉先寺聞磬聲率爾口號

嘉陵溪堂

李監司亭子對月次長卿堂元韻

申寅伯昆酒所醉書為別

詠燕京遊幸

聽孟畫師悲歌有感口占

次中書兄韻示洪獻納子晦文

江行擬作寄李心甫七首

夜哭進士亡兄墓

題齋宮壁上

次濟卿元嗚呼吟

夜雪

立馬東郊

山丹樹

夜飲申元瑞命圭家曉還口占寄元瑞兼示

濟卿兄與申季良最洪叔鎮柱世

永安兄洪公柱元第醉起

寄叔鎮季良諸益無示濟卿堂兄

暮春宿光陵奉先寺三首

次堂兄濟卿韻

馬上擬次雨歇長堤草色多

賞曹溪

東湖夜雪

宮詞七首

暮泊東湖期與洪友泛舟

哭外舅西華李相公行遠

昌平錄上畸翁

登月出山

登益山古寺

舍兄草堂對李一卿廷夔口號

舟過白雲樓有感

暮泊外舅墓下

仁祖大王挽章三首

吳修撰達濟大夫人挽

金仲明益煦挽

暮春遊道峯書院馬上口占

夕與堂兄弼卿氏及申寅伯諸人待東郭兄

口占

遊仙詞七首

五月出寓西湖錄奉伯氏與東郭堂兄

是月伯氏與諸友來訪示此作

夜自杏洲泝流而上舟上見月二首

息波亭送君美

銀臺夜坐示省中諸益

奉別南丈銑按嶺南

夜與南雲卿龍翼聯句二首

寫憤四首

畸菴鄭先生挽

出塞歌二絕送李通判晚吉之鏡城

蠹石歌送李使君尚遠之晉陽

夜與李心甫金夏卿禹錫諸友對酌

載通雲卿心甫夏卿各次桃字韵以示走筆

次寄

李副學行遇挽

陪舍兄宿東湖送朴判官汝乘兄世橋

樓舫濟汾河

東臯舒嘯

種竹

賞蓮

七月自銅雀乘舟宿金陵浦口觀釣魚口占

歸時夜泊鳳湖對月望蠶頭口占

水鍾寺

別關東伯滄洲金按使益熙二十首

上南漢城口號

別李太守種之任務安

青樓集目錄

走次李詞伯時標韻

病中口號別江原都事沈公楫

藝苑直廬寄示西湖釣伴

七月望間與舍兄會於楊浦舟中口占

七月念八與趙樂靜錫胤金滄洲洪沂川命

夏李心甫會飲賦近體三首

清陰先生挽二首

別鄭侍郎攸之燕

達城尉翁主挽二首

大司馬朴公筵挽

別永安兄燕行

李判書基祚挽

別蔚山尹使君世任

次蘇東坡秋懷詩二首

挽洪判書茂績

挽浦渚趙相公翼

卷之二

詩

挽羅生星漢

挽金判書光煜三首

青樓集目錄

五

次金起之壽興韻二首

嘉陵道中口占

次堂兄湖堂 頌柑後詠懷之作

與金久之壽恒及堂兄會於陽山寺次諸公

韻

別尹使君衡覺之任峴山二首

錄奉堂兄仍示諸益

聞槎行渡海簡寄南雲卿

寄示鐵原鄭使君勳

次寄光州太守洪令公慶亮二首

簡寄杆城使君李公齊衡

追次堂兄韻

別龍安沈使君

別忠清金亞使益燾

挽趙大提學錫胤八首

嘉陵溪堂口號

訪心甫新居

舟中別嘉陵太守

別茂長使君

次南雲卿韻

燈夕同金久之南雲卿洪君實歲騎省堂元
往觀湖堂舊基

示金久之

示南雲卿

示洪君實

示騎省堂元

自述

別咸平使君

草堂偶吟

次家元韻示洪光州諸益二首

七月同權按使堦登拱北樓二首

扶餘客館次壁韻

重入披香堂口占

宿龍仁客館

挽申元澤混

挽慎獨齋先生二首

伏蒙 恩暇往掃先塋

靜中口占二首

歸家詠盆梅

口占遣懷

三年多難更憑危

春帖三首

挽金判書益熙八首

有感口占錄奉諸益

再疊前韻

次堂兄韻示諸益

次金父之韻錄奉金起之

再疊前韻

次金父之見示韻

次洪承宣韻寄舍兄南行

又次洪承宣韻

楊江贈心甫

過朴尚書遜故宅有感

重訪李生幽居

別金堤崔使君

次洪侍郎韻

漢江別湖西李按使錫爾慶億

簡寄維揚南使君雲卿

復次前韻寄雲卿

陪從 文廟口占志喜

幽居即事次老杜秋興八首

次舍伯韵寄萊州洪使君君實

次金久之韻

又次

又次舍伯韵效白體

次洪君實寄示韻

楊江訪心甫次前日白雲樓韻

登送月岩又次前韻

白雲樓下別心甫又次前韻

楊灘逢逆風口占

寄別洪尚書命夏西行

東郊觀魚次金侍郎韻

南宮陪後後鎖直口占

送春日示安侍讀後說

寄別闕北鄭按使知和六首

東湖別嶺南洪按使歲二首

新居即事二首

門闌心靜自清涼

歸溪上簡寄院內諸公

大殿春帖

青
緬思桃源內

謾吟

卷之三

詩

別湖西伯徐載通

金判府事益國挽

白江李相公敬輿挽二首

李參判時楷挽二首

別趙仲初文復陽

別同春

重游道峯二首

江頭送客

麟坪大君挽

讀明史有感

潛谷金相公墳挽二首

次趙禹瑞龜錫韻二首

正朝日口占

孝宗大王挽章五首

閔叅議光勳挽

延城君李公時昉挽三首

青樓集卷之五

洪修撰柱三室內挽

完南府院君李相公厚源挽二首

延陽府院君李相公時白挽四首

沈司諫東龜挽

申參判翊全挽二首

洪君實挽二十一首

金大憲德誠遷葬挽

蔡判書裕後挽

夜坐寒碧樓偶吟

曉霧

寄浴中諸兄

舟中口占示兩姪

述懷

次寄李彛仲敏叙

江上偶成

又用舟字韻

鳥嶺寄舍伯

聞心甫訃後泛北津口占

申正流挽

李典翰壽仁挽

青樓集卷之五

嘉陵山中次起之韻

天柱寺次金久之在西關寄示韻

羅海州星斗挽二首

鄭叅議收挽

趙進士來陽遷葬挽

申判書竣挽

趙龍宮休挽

寄載通

南永平鑑挽四首

鄭高陽昌徵挽三首

李井邑挽

花山路上別通令北伯之行

俞市南榮挽八首

谿谷張相國內外遷葬挽四首

權正雋挽

觀書偶吟

廣津留別李一卿三首

次舍伯韻

李仁川天基大夫人挽二首

李叅判行進挽六首

贈林生德涵泳

次荅德涵勉我之作

太極亭偶吟

讀易有懷尤齋

圓方吟示兩甥及諸君來學者

謹次堂伯韻

李參判廷夔大夫人挽

有感偶吟寄尤齋

附次韻

尹判府事絳挽二首

題崔承太詩草

戊申立春日有感口占

沂川洪相公挽

舟往呂江見洪相葬禮歸時有感口占

望江亭

游水洛山

金同知光燦挽八首

遺詩

卷之四

教書

領議政鄭太和再度呈辭不允批荅
教洪清道觀察使李泰淵書

疏

請停 親臨閱武疏

湖堂 賜暇辭免疏

應 旨論時事疏

辭兼文學疏

論鄭介清書院事疏

辭兼輔德疏

論 永寧殿廟制疏

辭執義疏

辭典翰疏

卷之五

疏

代洪右相論時事疏

應 旨論時事疏

辭 給馬裝疏

辨徐必遠等詆斥疏

卷之六

疏

辭副應教疏

辭執義疏

代堂元應 旨論事疏

辭兼輔德疏

辭應教第三疏

辭應教疏

辭同副承旨第三疏

乞並鑄新資疏

辭副提學疏

第五疏

遺疏

卷之七

啓

處置年當引避啓

請罷前後判決事金汝鈺李應著啓

請推青平尉沈益顯啓

請令麟坪大君夫人移寓啓

論事引避啓

請 召還贊善宋浚吉啓

請推前忠清監司徐必遠啓

請還收世龍妻放還之 命啓
請還收大君家親祭之 命啓
御史時啓

又

復 命後陳浴路聞見啓十四條

卷之八
書

答白軒李相國景奭一

答外兄永安尉 洪公三

卷之九
書

上宋尤齋 時烈十六

卷之十
書

答洪尚書命夏二

與洪相國十

答俞副學一

答趙參判復陽一

答趙尚書三

與鄭尚書致和一

答洪禮判重普一

與趙尚書珩一

答鄭杆城濬二

答金監司宇亨一

與李一卿廷幾七

答金起之壽興一

與南雲卿龍翼一

卷之十一

書

與閔大受得重七

與金久之壽恒二十

答閔持叔維重一

答崔德裕重三

卷之十二

書

與朴和叔世采三十二

卷之十三

書

與朴和叔世采三十二

卷之十四
序
答南雲路九萬一

答李龍仁仲夏一

答李季周端夏二

與李士原行道一

答洪伯涵萬容一

答俞胤甫命流一

答李抱川知白一

答趙叔平相槩子直相惡一

答趙子直一

答羅顯道良佐二

與李景源河趙靜春仁壽二

答李景源一

答林德涵泳三

與李義叔微明二

卷之十四

序

追寄關西李按使正英序

寄別呂北評希天聖齋序

奉寄海西金按使宇亨序

寄濟州牧使李侯墳序

靜觀齋集目錄

跋

關西問答錄跋

題金起之箴後

祭文

賜祭判書洪茂績文

祈雨祭文

咸鏡道鏡城瀛祭文

清風錦繡山祈雨祭文

祭正字堂兄弘相文

祭李心甫文

祭沂川洪相國文

公移

布諭七邑饑民榜

諭告一邑文

卷之十五

附錄上

行狀

神道碑銘並序

墓誌銘並序

墓表

卷之十六

附錄下

祭文十

挽詞二十一

靜觀齋先生集目錄終



靜觀齋先生集卷之一

詩一百三十二首

秋日遊上東門外過德原公子舊業有感口占

公子池塘野草生客來誰復岸中迎空餘流水松風

在猶帶當年落子聲德原以甚名故云

夜會洪子晦丈慶亮草堂次主人韻

清夜遲遲玉漏長半庭殘月送新涼遙憐獨夢池塘

客風雨無人共對床

奉先寺

落葉滿前溪空山聞鳥啼斜陽出洞去疎雨亂峯西

嘉陵溪堂

蕭條斜日客初還
依舊琴書自在閑
末路交遊皆白眼
殘年活計有青山
孤村雨過稻花濕
遠樹秋深楓葉殷
罷釣歸來無一事
煎茶終日閉柴關

李監司亭子對月次長卿堂兄韻

山逕政黃葉
孤村秋寂寥
羈愁千里月
客夢五更宵
砌草寒猶嫩
庭梧露欲凋
從今湖海去
身計付漁樵

申寅伯最酒所醉書為別

清秋別恨夢悠悠
千里霜寒橘柚洲
最是竹林行樂處
一樓明月故園愁

詠燕京遊幸

佳氣千年駿馬臺
漢宮春色六龍迴
如今行樂空明月
黃竹歌聲夢裏哀

聽孟畫師悲歌有感口占

孟名英光蘇杭人

悲歌一曲望江南
千里風塵鬢欲鬢
想見三吳秋色滿
西湖行樂夢惛惛

次中書兄韻示洪獻納子晦丈

蕭瑟池塘草閣閑
一年秋色滿林殷
薇垣鳳閣渾拋却
把酒踈籬殘菊間

江行擬作寄李心甫

萬雄

東湖晴浪碧漫漫秋半梨花倚木蘭地擁江流趨月

峽天迴岳勢抱長安清尊露有金莖滿白雪詩爭玉

樹看無限青山踈雨外夕陽回首廣陵寒 右東湖

公子池臺野鹿遊落花飛雪至今留人生有恨空山

在天地無情自水流對酒猶懸青閣月掛帆還帶白

雲秋平生不盡羊曇淚慟哭西州萬古愁 右白雲樓

南國遊人載酒來百年秋色獨登臺飄零未奏相如

賦搖落誰憐宋玉才動地寒聲踈雨起滿江帆影夕

陽迴前朝古跡唯荒草桂子清霜不盡哀 右神勒寺

搖落風塵不盡愁扁舟歸去五湖秋中年交契誰青

眼末路生涯有白鷗歲暮客尋神勒寺月明人在慶

迎樓蟾江行樂今如夢腸斷平原十日遊

楚村搖落泣窮途誰遣扁舟泛五湖大陸山光隨筆

動中原秋色掛帆孤風來古穴啼霜葉月出空江見

夜珠末路知音惟我爾百年天地故人無

倚棹孤城對酒杯水村深處豆花開依稀籬落無人

到蕭瑟江關有鴈來夢罷歸心懸闕里詩成明月滿

琴臺溪山左右多清賞應待千秋李白才 右忠原

洞裏秋深落木初烟霞依舊是秦餘山分小島清潭

立天入空江匹練舒處處人疑緹嶺客村村家似武

陵居春來流水桃花浪歸去風塵更起予

右龜島

夜哭進士亡兄墓

趁火催驅竟為誰滿林風雨暗添悲三更痛哭平生淚惟有青山蜀魄知

題齋宮壁上

中天蘭若絕纖埃照耀青蓮佛燭開法界忽浮銀萬頃月輪初掛老松來

次濟卿兄嗚呼吟

眇余夙仰先哲訓潛身委巷發孤吟式觀元始足千古多裡富貴焉能淫懷璧寧憊惡衣食馨室聿慕簞

瓢樂擁書千卷當南面魏坐孜孜常逮日庶幾寒光室忿慾靜斂玄心照我臆襟期上許尚友知一片靈臺炯若水平生自擬守孔約朝欲貞觀而夕死方將羣聖緒餘論探賸淵源期日就東郭先生亦耽真胡為臚志嗚呼字君子誰無千載憂糟糠不病原生意從吾所好自足吾腐鼠功名兒輩談尼遊不已卒返魯孟轍無停終老行終知至道貴韜藏莫若求精淪我名昔賢何多值不遇伊呂風雲幸有數遑遑幾屈三代手今世誰能回古道驅馳廿載卧龍勞高卧何如水鏡老况我今生一隅阨邈矣至治其難覲昭昭

天理黑如蒸夷羯倒執潢池柄如無捧日滌穢才好
須斂跡安吾命縱橫禮樂帝伯論徜徉風花雪月景
夜雪

月隱宮城鍾漏逢滿天飛雪落參差旁人莫訝門無
迳自是袁安卧不知

立馬東郊

立馬千尋壁青門大野西天連三角近雪壓五陵低
浮世孤身在窮途萬計迷郊居有小築可作浣花溪

山丹樹

二月東風花事遲閉門空巷鳥啼時無端一陣前宵

雨春在山丹最上枝

夜飲申元瑞命圭家曉還口占一律寄元瑞兼

示濟卿兄與申季良最洪叔鎮柱世

街鐘初動報晨雞客醉東城散馬蹄風斷漏聲殘月
外夜深人影小橋西踈簾曉色和烟濕空院春心聽
鳥啼自是明朝佳約在夕陽臺下落梅溪

永安兄洪公柱元第醉起

客散秦樓五夜鍾獨留池月照芙蓉禁陪禁齋何平
叔才媿雲津陸士龍深苑軟風花影亂洞房微雨樹
陰濃還憐病渴西廂客夢罷池塘枯筆慵

寄叔鎮季良諸益無示濟卿堂兄求和
浮世難逢半日歡掩門春色為誰闌前街嫩柳風傳
信小苑殘梅雨送寒功業已輸兒輩得江山宜許我
曹看西湖勝景休孤負花滿烟堤綠樹圍

暮春宿光陵奉先寺三首

曉夢回清磬空簾滿院春暗燈孤坐佛殘月獨歸人
馬踏林花落衣沾草露新前溪嗚咽水似訴客來頻
客裡逢春晚千山花已明馬分芳草色風引小溪聲
微雨鳥雙去斜陽人獨行憫然川上醉頓覺萬塵清
曉發隨殘月鷄鳴霧外村馬停曹歇慶草入舊燒痕

亂樹初飛鳥空山獨掩門天台知不遠漸謝俗人喧

次堂兄濟卿韻

清明雨初歇溪院客來憑機靜塵緣了心閑信水澄
春光迴嫩柳暝色帶歸僧忽憶江樓會飄然意馬騰

詩與叔鎮季良諸人約遊西湖故及之

馬上擬次雨歇長堤草色多

江雨霏霏汀草多夜深殘火聽漁歌三更客散綾羅
島風打孤舟月照波

賞曹溪

松風澗水自迷人蘭若凌虛迥絕塵別有人間閑世

界金沙花雨武陵春

東湖夜雪

昨夜江湖雪千塵世界白惟有石室松蒼蒼依舊色

石室清陰
兩居村名

宮詞

月上采魚五彩霞萬年春色碧桃花君王夜赴章華
宴宮女催呼幸綠車

九重春色翠霞濃天子探芳駕六龍清蹕遠隨花鳥
使玉池新發碧芙蓉

寶篆香燒蠟燭灰玉琴零落半塵埃西宮夢斷空愁

坐深苑殘春數落梅

景陽殘漏夜如何風送梨園玉樹歌三十六宮春似

海後庭燈燭月明多

魂隨雲雨散陽臺明月空簾寶鴨灰窗外軟風花影

動雪兒來報赤郎來

殿頭初日轉金牌曉鏡粧成鳳尾釵欲試滿庭花落

後倚箏闌繡翠羅鞋

天子春遊夜宴開月明歌吹動樓臺中官勅罷梨園

樂聞道韓休奏事來

暮泊東湖期與洪友泛舟

渺渺廣陵鳥依依
盆浦樓夕陽猶遠
渚踈雨自孤舟
水暖魚知樂
沙長鷺喚愁
今宵湖上月期與故人遊

哭外舅西華李相公行遠

江漢滔滔自在清
高標落落有誰爭
三春好雨千花潤
萬里晴空片月明
歧脚北窓天際想
寸心西塞日邊誠
從今欲避城南宅
恐惹羊曇醉後情

昌平瀟灑園錄上時翁

蕭蕭風雪打踈籬
有客門前鶴報遲
碧落高名懸日月
青山幽興在琴棋
梅花繞枕香生夢
竹影侵床韻入詩
相對不言唯一笑
念間流水照襟期

登月出山

月出橫臨六十州
崢嶸青壓漢擎浮
層雲不辨中原色
落日遙懸大海流
拂袖烟霞生睥睨
含杯天地罷窮愁
堂堂落鴈峯頭語
媿殺千秋謝朓休

登益山古寺

拂袖玄都道士壇
梵王宮在法雲端
烟沈淨界千塵潤
月出層城萬井寒
大海雄聲生几席
青山秀色在闌干
東南明滅褰鵬喙
指點中原碣石看

舍兄草堂對李一卿廷夔口號

池柳依依霽月來
一尊千里故人迴
寒生午夜家家

雪春入長安處處梅郢客聲名高藝苑仙郎雨露滿
蓬萊清時得意須珍重回首鵬程九萬開

舟過白雲樓有感

樓即東淮中聖故居

依舊嘉陵泛泛舟白雲愁色滿秦樓天留片月三更
照峽圻滄江萬古流拂袖烟霞空睥睨含杯湖海罷
遨遊堂堂不盡千秋業淚灑青山土一丘

暮泊外舅墓下

相國千年宅斜陽何處尋帆移露沙渚村在隔溪林
明月空山淚孤舟病客心依然却迴棹惆悵暮雲深
仁祖大王挽章

周漢中興赫業成掃清昏翳啓休明長秋位復三綱
正窮谷春迴萬彙榮鼓舞乾坤新氣象昭回日月舊
光晶彬彬禮樂斯為盛廊廟夔龍贊太平

宗社生靈計自深常存萬折必東心園觀穡事知民
苦壁對舟圖奉聖箴昭倫早焚唐殿主節財曾惜漢
臺金丁寧付托微言在精一相承古又今
纔從射策入金門曉向西清拜至尊尚記瑤池瞻黼
黻那堪鼎水哭軒轅千年運際唐虞夏三世恩深祖
子孫公桂至今含雨露一回披拂一聲吞

吳修撰達濟大夫挽

青龍齋集卷之一
天相當時范母存更誰堂上彩衣翻青雲雅望銀臺
座白日孤忠雪窖魂淚盡高年餘八袞家傳舊業仗
諸孫從今忍過城南路寂寞春殘故宅萱

金仲明益煦挽

雙鳥同鳴正妙年兩家簪笏弟兄聯宮庭曉月繞移
席江漢春風昔泛舫淚盡青山埋玉樹夢驚流水罷
牙絃靈車欲發應相待交誼平生范式偏

暮春遊道峯書院馬上口占

一縷仙風吹羽衣亂峯斜日鶴西飛人間花落已黃
鳥洞裏碧桃春不歸

夕興堂兄弼卿氏及申寅伯金聲伯弘振任文

仲奎諸人臨溪折花弄水仍待東郭兄口占

錦石蒼苔踏作首白雲深鎖武陵春故教流水浮花
去為有漁舟入洞人

遊仙詞

月照瑤壇第幾重天風吹老碧芙蓉朝元公子踏花
至夜駕雲中金色龍
夜宴瑤壇桂月明碧桃花下亂吹笙仙郎新自三山
至催御青鸞上玉京

上界烟霞日月遲千年不管海塵飛今感大是多情

者猶向人間問是非

驟鸞曉入玉樓高脚底扶桑萬里濤五色雲中初日
上天風吹捲赤霜袍

太乙宮中夜宴開萬年佳氣紫霞杯三千侍女驟鸞
至報道瑤池阿母來

冰簟銀床午漏遲彩鸞閑弄玉參差文郎有約來相
訪嬌倚銀箏更畫眉

佳氣仙桃萬歲春紫清宮殿玉嶙峋東皇暇日遊三
島侍女皆騎五色麟

五月初以病疏適堂后出寓西湖保晚亭舊居

口占錄奉伯氏與東郭堂兄僉案下

銀臺清夢散江天歸去行裝有釣舡倚檻海雲生野
外題詩山雨落尊前三杯偃蹇千秋興一枕從容五
月眠何似日趨青瑣曉坐聞殘漏午門傳

依舊西湖百尺樓拂衣今日繼清遊烟沉夜色千家
雨風送潮聲十島秋幾處暮雲生遠海半江漁火見
孤舟銀臺玉漏真如夢世外新盟有白鷗

是月伯氏以薇垣長與鄭中書禮卿知和金學
士一正佐明及僉堂兄見枉次日徐使君勉仲

丈貞履李使君君羨慶徽徐內翰載邇必速崔

持憲逸之逸諸友翩翩次第來訪相與跌宕湖
海為數日飲亦一末路豪舉不可無數語識之
謹此率爾口占而荒澁不成語恐未免筭博士
之譏耳堂兄長卿氏於其日席上先賦詩故落
句及之申友季良又於次日來訪與之相對痛
飲仍示此作

湖海逢迎次第期薇垣栢府後先之尊前意氣徐公
劍日下聲名鄭谷詩白玉照人學士座芳蘭竟體使
君儀琳琅觸目忘形穢春草高才更色絲
夜自杏洲乘潮沂流而上舟上見月

潮落空江萬籟號北風吹海送層濤孤帆夜掛魚龍
窟雲盡長天片月高

夢罷蓬窓曉氣晴大江波浪片帆輕長風萬里吹雙
袖獨立孤舟看月生

恩波亭送君美立次金建仲 震標韻

醉倚東湖百尺樓一天疎雨故人留斜陽脉脉孤舟
別極目江南無限愁

銀臺夜坐口占示省中諸益

青瑣詞臣夢未闌紫泥催下對燈看三更玉漏清宵
永十月銀臺禁直寒彩筆幾回干氣象香烟猶自惹

衣冠西湖鷗鷺應嗔我閑却苔磯舊釣竿

奉別南丈銑按嶺南

南八男兒老更豪平居門巷自蓬蒿地東西北幾專
制年六十餘猶獨勞落日褰帷滄海濶晴天建節太
山高誰憐柱下青牛史病渴三冬擁彩毫

夜與南雲卿龍翼聯句示季良

玉漏響丁東爐香半欲歇能燈前一樽酒窗外三更
雪雲

直廬風雪五更天雲仙漏丁東喚客眠深淺一尊心
似水能短長孤燭夜如年詩成北闕雲生筆雲夢落

西湖月在舡遙想竹林梅信早能小爐添却博山烟

雲竹林印
西湖村名

寫憤四首

四海風塵暗中原戰伐停天何今日醉血已十年腥
寂寞金臺色依稀白馬荆鍾陵一片土松柏自青青
城下盟初遂雲中鼓忽停山河萬古色宇宙至今腥
豈乏剗肝策還憂別足刑風塵吾已矣歸夢故山青
白日南宮迥青春法駕旋風塵猶慘悽天地豈茫然
劒動中原色河清上帝權千秋志士淚沾灑筆頭偏
南宮陪法從簪筆共周旋威儀非漢日風雨接燕然

主辱臣宜死時危美出權非無鳴劍志孰繫奈邦偏
暗菴鄭先生挽歌

瑞石崢嶸滄海濶淑氣往往鍾人傑五百年来有名
世 宣祖之朝丞相出丞相大名垂宇宙 聖主褒
以青松節相門天上石麒麟清時玉立高歌起萬里
青天大鵬褰論交盡是文章士錦陽東陽伯仲間相
國張公最知己又與先君作石交世比嘉隆之五子
先生樂府漢魏上先生詞賦天下稀藝苑深深玉堂
高講罷天香猶在衣暇日湖堂破萬軸落筆皇華爭
歎息晚歲騷壇執牛耳北望風雲阻北關留滯周南

成白首安石一卧東山久小子前年問奇字蹇驢載
酒柴門扣雪夜孤山鶴報客拂席高齋坐秉燭秉燭
高齋動清酌尊前起舞梅花落酒酣以往氣益豪慷
慨悲吟宛如昔別夢初回漢水舡仙驂已隔蓬萊天
一代風流跡已過斯文墜地奈若何名懸日月自長
新大業不廢流江河不盡西州醉後悲當年未受楊
何易依舊江南橘柚鄉雲林寂寞無顏色環碧臺邊
水自流瀟灑園中草已深空餘一片青山月留照先
生千古心

出塞歌二絕別李通判 晚吉之鏡城

地連長白山前盡天入磨雲嶺上低萬里陰風吹積
雪乾坤一白鬼門西

黃雲萬里戍樓閑豆滿江流天地間白馬將軍頻夜
獵雪中生縛射鵬還

蠹石歌走筆送李使君

高逸之晉陽

巨鰲背負三山流一落東南滄海頭滄海茫茫接天
地海上山蟠五百里千峯秀色浮雙溪劈峽流為蠹
石水蠹石之樓勢崔嵬將軍玉帳臨江開樓頭曉月
天王出樓下秋濤青鶴迴太守時時宴於樓登臨四
望清風來轅門壯士舞長劍錦瑟佳人歌落梅舞長

劍歌落梅梅花亂落琉璃盃太守行樂春復秋昔年
繁華今在不李侯今為太守去公之去矣令人愁歲
暮江南政風雪惆悵都門五馬出自伶蘭臺病太史
風塵鬱鬱凌雲氣為余先吊古戰場江中尚哭千年
鬼

夜與李心甫金夏卿禹錫諸友對酌乘興賦之

對酒高吟弄彩毫百年豪舉復吾曹銀臺曉漏連青
瑣御苑春光上碧桃北極風雲身已倦西湖霞月夢
猶勞何當一快宗生志掛席滄溟萬里濤

載邇雲卿心甫夏卿諸人各次桃字韻以示走

青樓集卷之二
十五
筆次寄
高歌白雪競抽毫才子明時遍省曹清夜夢回蓬島
月故山春半武陵桃浮沉湖海遠初計歷落風塵笑
此勞經歲金門長抱渴枚生虛負廣陵濤

李副學行過挽

大夫寥廓竒男子快若天馬騰千里大夫灑落雲夢
襟炯然寒月照秋水對之如從玉山行居然風塵外
物耳妙年射策題金榜儂蹇平步青雲上俊鶻高橫
九霄秋長鯨怒蹴千層浪蘭臺之管玉署筵五雲常
近蓬萊仗水鏡初懸佳吏部蒲鞭暫試歌來暮舍人

真是鳳凰毛御史爭看駉馬步紫陌天風吹錦袍虹
玉豐貂光滿路振肅霜飛薇花筆密邇夜直銀臺月
聖眄頻回進退時丰儀秀立鸚鵡列爛踏瑤墀五彩
霞雲衢九萬鵬程濶大夫游於酒人者鬱勃襟懷倚
醉瀉大夫縱橫善清譎苦海霏霏甘露灑末路知音
有我伯雙鳥聯翩翔日下我愧門前題鳳回幾度文
酒同追陪有時高堂合席飲掀髯促膝饒籌催脫帽
清狂恣跌宕禮豈曰吾輩設哉世事都輸千日醉年
位相忘寸心是危言吐屑玉塵尾壺口頻虧鐵如意
座上長留荀令香尊前絕倒王平子自是胸中無宿

物蓋田掇皮皆真率口或雌黃人辟倪蟻視夷然亦
不屑泣血終為死孝人藥藥忍對支床骨巨岳徑摧
惜無年白日未了邯鄲眠凌雲逸氣戢一木與奪誰
問蒼蒼天 聖主中朝惻然感恩綸字字映重泉玉
樓華筵添上客人代風流已寂莫逝者如斯可奈何
脩短同歸土一掬偏憐白髮老子敵百年永抱人琴
感大夫真游誰與從上有四海清江翁大夫行天知
不孤亦有相國西華公翱翔弱水崑崙間出入上帝
真仙宮羽蓋星冠綠玉烏鞭龍駕鶴爭馳逐俯視塵
寰若脫躡相與拍手雲間樂謾有浮生不盡悲哭望

青山淚沾臆

陪舍兄夜宿東湖梨花亭下送朴判官與乘兄
世橋之上游仍送洪吏部子晦歸觀寧越舟上
敬次舍兄韻

漢水晴波綠似油半江離思有孤舟差池湖海經秋
別歸去風塵滿眼愁明月清心樓上會夕陽神勒寺
前遊宅時一棹尋源約為報中原老督郵連源金督

與吾兄弟有尋源之約而朴兄將與金相
會故云中原即忠州之號連源在忠州

樓舡濟汾河課作

金掌寒生露欲收上林黃葉不禁秋蓬萊已隔虛無

路汾水惟憑汗漫遊錦繡山河圍表裡樓舡簫鼓起
啁啾重恢高帝千年業政屬中州五葉劉累代富強
興禮樂當朝治理軼殷周閑愁浮世三生夢遺耻平
城七日憂已掣金戈沙塞外仍回玉輦岱宗頭扶桑
曙色浮仙仗碣石寒陰擁彩旒大跡空尋老父狗奇
書未驗少翁牛喬山帝塚今猶在滄海童舡去不留
青鳥影空天漠漠碧桃花老月悠悠蟬聲晚起昆明
樹秋色纔回太液樓鼎負龍文呈后土風驅鷁首泛
中流祠官白日看雲氣仙侶清江送棹謳奏罷黃金
分爛熳酣來畫角匝汀洲差池鳧歸宸翰出沒魚

龍護御舟憐慄寒聲初引興雄豪壯志倏生愁人間
大藥知無補海上丹砂鍊已休蛟出潯陽何射得神
呼嵩岳果聞不輪臺一詔猶嫌晚不待秋風可悔尤

東臯舒嘯 課作

對酒無心弄兔毫忽看春色在東臯閑隨澗水携琴
遠醉踏山花杖策高梁甫孤吟供晚眺蘓門清響颯
寒濤引農但坐還多事媿殺當年束帶勞

種竹 課作

移來萬竿玉留得一庭青兩攬詩魂爽風敲醉夢醒
清陰憐礙日踈影愛侵檣知有肩輿客柴門晚不扃

賞蓮 課作

醉對芳塘睡醒來夢惹香日斜分蒂影珠瀉斂花房
莞爾風前笑嫣然雨後粧惟應守紅死終不怕迎霜
七月既望之翌日以蘭臺史將抽金匱之藏於
江都史閣自銅雀乘舟順流而下夜宿金陵浦
口曉起觀釣魚口占 金陵浦
鷄呼月落五更天滄海濤聲撼客眠夢入紫宸陪講
席覺來身在釣魚舫

歸時又自燕尾亭乘潮泝流夜泊鳳湖閱將軍
江閣下對月望蠶頭率爾口占錄奉江都李留

後時襟案下

扁舟鼓柁泝滄浪太史歸裝錦一囊海嶠寒聲秋浙
澗樓臺夜色月蒼茫千年地擁蠶頭出萬里江分燕
尾長自是謫仙遊采石獸袍猶濕御爐香

水鍾寺

閑披鶴氅坐瑤壇鐵笛吹高夜欲殘絕峽濤聲生几
席長風帆影上闌干秋深萬里江山老月出千塵世
界寒別有玉皇香案吏北宸歸夢五雲端

別關東伯滄洲金按使 益熙

清朝雅望屬明公按節如何出漢宮不是 聖君疎

汲直也知勾令合仙翁經秋髮變金砂鼎戀關心驚
玉漏風關外山川翰領略尊前請說嶺西東

爛熳平原幾日遊百年豪舉又滄洲携筇雉岳千尋
壁掛席蟾江萬里流舊跡浮萍餘小嶼清詩新月滿

高樓良宵錦瑟佳人興差慰孤臣去國愁雉岳蟾江浮萍閣新

月樓皆在原州

蒼峯細路轉如環古驛蕭條草樹間觀水我知濠上

樂泛波人訝鏡中還山蟠鐵峽江聲壯地入金城戰

血斑試上北寬亭上望日邊三角露青鬟蒼峯驛在橫城觀水

北寬亭在洪川

春州形勝亦雄哉故國荒城面水開山勢北連楓岳

去江流西擁漢京來題詩蓮閣香生席吹笛仙樓月

照杯最是清平遊賞後滿舡笳鼓夕陽迴邀仙堂清平山皆在春川

東巡海上自丹丘路盡清虛有古樓巖下酒泉依舊

在越中山色至今愁芳洲草綠春多雨絕峽江寒夜

似秋為報明時賈太傅邇來吾道轉悠悠丹丘驛在原州清虛

樓在酒泉縣寧越有魯陵俞學士際今方謫居是郡

弱水三千路不遙五臺山色引仙輶依稀漢使抽金

積鬢鬚劉郎渡石橋溪似武陵春作錦嶺疑緱氏夜

聞簫子箇一派從天下流到神京接海潮弱水驛名于箇水出

五臺山

碧海東頭萬二峯
半天晴插白芙蓉
香城露滴三清月
桂樹風傳五夜鐘
雲盡金臺翔老鶴
雷鳴玉洞闢羣龍
尋真却向靈源界
王子千年有舊蹤

劉臺在萬瀑洞上舊有青鶴靈源洞即新羅王子避兵處

衆香城下有桂樹金

日月峯高萬壑趨
松蘿大小擁毗盧
長安古刹餘金像
真歇荒臺見寶珠
白馬北撐臨雪岳
衆香西起壓蓬壺
從知佛力深無量
銅柱斜懸穴望孤

毗盧白馬穴望皆峯名真歇臺有瀨翁舍利普德窟有銅柱

日出月出大小松蘿

摩訶衍下望高前
內外山連石逕穿
春入千年樓鳳

草雲生九壑卧龍淵
三清笙鶴來真界
七寶樓臺在半天
更上絕巔窮遠目
齊州依約點秋烟

草皆在內山九龍淵在外山

摩訶衍在高原極厚

佛頂高臨萬頃開
百年秋色獨登台
開斟法海靈金液
遙勸仙人綠玉杯
初日浴從鰲背出
晚風吹送鶴巢來
銀河十二懸如練
散作蓬山處處雷

外山下有十二瀑布

佛頂萬頂皆臺名在

踏盡仙山萬壑楓
飄然玉節下天東
旌旗迥拂千峯日
鼓角高吹大陸風
踈雨過時汀草綠
白鷗飛處海棠紅
蓬萊餘興知猶在
榆寺溪聲入夢中

榆寺即榆帖寺

三日仙游弄彩毫祥風吹捲赤霜袍白雲人去留丹

篆明月亭空老碧桃鏡裡苔封香石古天邊錦簇玉

山高蘭舟晚泛滄波濶直欲翱翔駕巨鰲三日浦即四仙舊遊

處中有丹書及埋香石碑

海山歸路入鳴沙鑑水花深羽客家峯接七星疑跨

鶴門連十島可乘槎春生洞口三珠樹日射鰲頭五

彩霞試向飛來尋舊跡龍蛇大筆字橫斜海山亭即高城客館

鑑湖有揚蓬萊飛來亭七星峯在海山亭下

仙遊潭草日芳菲海上真人去不歸清澗亭前看屨

氣洛山樓外待朝暉棠花浥雨迷征旆雪浪翻風灑

客衣過盡永郎湖畔路蓬萊回首便依依仙遊潭清澗亭皆在

杆城洛山寺在襄陽行過永郎湖便隔楓岳

鏡浦臺臨大海頭寒松丹竈至今留尊開錦席圍紅

燭月照瑤潭放彩舟世外不關他淨界人間自有此

高樓駭鸞仙子歸何日老盡碧桃花欲秋寒松亭有四仙鍊丹

石竈崔揚浦激題鏡浦臺詩曰駭鸞今日獨歸來碧桃花下無人見

自擬元龍百尺豪竹西歌管醉揮毫簾前水接滄溟

澗檻外山連太白高荻嶺天寒春見雪羽溪風捲夜

聞濤秋來五十川如錦帶月携壺泛小舫竹西樓太白山白

嶺羽溪縣五十川皆在三陟

東行千里不知回汗漫真遊轉壯哉落日褰帷鬱陵
島清秋建節召公臺長鯨噴雪衝風起怒浪翻天蹴
地來夜向望洋臺上望玉蓮浮出彩雲開召公臺上
望鬱陵島

望洋亭前
見月出

越松南去極天根玉節逶迤度石門回望紫宸空有
夢前臨漲海自銷魂三春竹葉家家酒十月梅花處
處村別有禪菴閑世界烟霞真似武陵源越松亭石
門禪菴皆

在平海郡郡
即南海之界

叢石撐天冠兩頭東西勝景闐清幽丹砂穴多黃金
界銀海波擎白玉樓地下源通江萬里松邊影老月

千秋空中笙鶴閑來去知是羣仙取次遊通石亭在
通川聖留

窟一名撐天在蔚珍窟中有黃金二塔亭前
有白玉四柱塔下長江柱邊孤松皆實景

回首仙區跡已陳祗今孤露白露中銀山玉海依稀
夢紫陌紅塵潦倒身明月更隨新建節白鷁應問舊
遊人何當布襪青鞋去重躡清都萬樹春先君於已
卯年按東

伯時不候亦嘗
陪奉往來故云

往掃先塋於龍仁還時上南漢城口號

天地孤臣在山河百戰悲空將未死淚一灑李侯祠
指李完
豐瞻也

別李太守 禮之任務安

葉縣雙鳧去渺然羨君行色若登仙梅花東閣香凝
座歌吹南樓月照筵清籟一封湘岸竹新詩千疊薛
濤殘慙慙替得天涯面分付郵筒取次傳

走次李詞伯時謀令丈韻却寄

紅塵宦興薄如雲莫道休官去未聞處處春風叢桂
長歸來肯待北山文

病中口號倩金一正書別江原都事沈公楫

怙怙突兀天東陲外有裨海而環之屹立萬二千銀
闕浮來五十三金佛琪花瑤草不老而長春兮金鰲
九龍出沒於其下十洲羣仙翱翔而往來兮雲為裳

而鶴為駕今君去作此中客清遊遠繼乎南石大醉
題名三日浦彩毫欲拂扶桑樹金蘭之窟叢石亭躡
得安期經玉舄毗盧之峯衆香城橫吹法海無孔遂
是時太史病投筆扁舟歸弄西湖月月出東溟照西
湖萬里清光分爾吾須與滄洲老和我二十詩寄與
明月來慰我長相思

自西湖復入藝苑直廬口占寄示西湖釣伴

宦海行裝敢自由半生乾沒苦難休一春楊浦多青
眼三載蘭臺欲白頭清禁夢回臨水榭舊遊人在釣
魚舟蘆洲鷓鴣須相待歸趁金風玉露秋

七月望間與舍兄相會於揚浦舟中口占

重對高陽舊酒徒百年行樂即西湖江空野濶千帆
落雲捲天晴片月孤采石縱慚供奉李雪堂知有長
公蘇時舍兄先往西酣來作賦偏多興更報漁翁釣
得鱸

七月念八與趙大提學樂靜錫胤金學士滄洲

洪水部沂川命夏諸丈及李薇垣心甫會飲于
竹閣是日即舍伯初度也酒未半竹風捲席荷
雨落盃座客莫不灑然自失仍賦近體三首時
不佞以觀武才事繞陳一疏 聖教至嚴方在

俟命中

清秋聯騎趁幽期翰墨過從此一時供世只堪文會
友開尊况復雨催詩池荷近檻香生席園竹通階影
入卮自笑江郎才已退陽春一曲和金逢

偃蹇清秋意氣看文章數子各登壇尊前劍有青萍
合座上詩傳白雪寒北極風雲新抗疏西湖烟月舊
垂竿高僧忽自蓬萊至聞說山中桂樹團時楓岳
僧適來

搖落如登萬里臺悲秋自有宋生才開尊北海佳賓
滿柱笏西山爽氣來唱雪新詩誰和者凌雲彩筆自
奇哉風塵彥會誠難再把臂休辭大白杯

清陰先生挽

五百年來得我公弟兄高節首陽同長懸白日明天
下獨灑清風滿海東一代典刑存大老三朝進退見
孤忠堂堂太史波濤筆宇宙名垂簡策中

華髮東山卧自深幡然更起作商霖風雲際會千年
運江漢朝宗萬里心時有亨屯身已退道相消長理
難謀空聞北闕傳遺疏志士忠臣淚不禁

別鄭侍郎微之燕

藉甚秋曹右侍郎黑頭持節度遼陽千年碣石封疆
變萬里秦城道路長易水悲風歌激烈玉河殘月夢

蒼茫歸時莫滯仙槎影好趁新春詫錦囊

達城尉翁主挽二首

劉尹家聲大歧陽閭則宜後無金埒買儉有鐵簪知
幾載城崩哭新阡劍合期堂堂垂懿範不必待張碑
貴即天潢近年仍大耄尊尊城三子壻滿室幾兒孫
蕭斷秦樓月花殘沁水園通家瓜葛誼臨挽自聲吞

大司馬朴公遜挽

平步青冥濶明廷作羽儀早聯卿月秩新領縉雲司
獨任綢繆托偏蒙拔擢私清由素性得忠許 聖君
知補國謀猷著掄才藻鑑宜忘身行一意設畫見深

思規度仍兼管疎通是百為殫精推剝劇盡瘁不言
疲密勿承天曉經營簡我師公方期展布人行濟艱
危何奪嗟天速真遊訝夢邊政堂朝奏罷賓館夕言
怡可但紆宸慟還令舉國悲家寒唯四壁影子只孤
兒文酒追陪地留連笑語時吐首容誕謾開抱去毛
皮白社餘歡在黃壚舊跡疑夜壇虛草閣秋雨想荷
池竟失揚湖約空吟薤露詞西州門外過悽斷淚雙
垂

別永安兄燕行

神州莽蕩陸沉哉萬里腥塵碣石來試上金臺南極

望日邊猶有彩雲開

李判書

基祚挽

清時名閥盛簪纓兩世承恩秩上卿望屬公孤符物
議業傳寒素繼家聲鄉山入夢身將老軒冕驚心病
轉嬰最是城南依舊路旅魂應恨隔春明

雪後竹亭別蔚山尹使君

世任

雪夜無人問竹樓使君携酒即風流尊前莫說南州
勝却到南州也自愁

次蘇東坡秋懷詩

課作

歲月若跳丸一氣無定時秋風日夕至宋玉自生悲

寒聲振庭柯熠燿流書帷大澤蟄龍蛇空山嗥鼯狸
冥色翳林木宿鳥爭棲枝而我抱幽獨世路絕攀追
常恐蕙草歇負茲歲寒期流光漸晼晚對鏡重嗟咨
為報名利子乾沒歸何遲

秋雲釀晚陰吹作簷前雨幽人耿不寐寒漏如相語
案上無塵物陳篇在阿堵白首獨下帷兀兀不知苦
緬憶里社會烹鷄更炊黍欲往路阻脩渺渺瀟湘浦
豈無屋三椽亦有田數畝奈此滯南荒幽懷鬱未吐

挽洪判書

茂績

今世堂堂古直臣曾將尺疏正彞倫清時再會千年

運白首重還萬死身八座貳公皆外物三朝一節是
完人翩然乘化應無憾自有芳名簡冊新

挽浦渚趙相公

翼

晚際昌辰眷遇隆文章經術冠羣公高名一代傾山
斗素節三朝保始終衛道功深持正脉匡時言切見
孤忠身閑綠野琴書裡望繫蒼生手額中自是存亾
關國運却驚哀痛徹宸聰生平事業千秋筆身後
淒涼數畝宮何幸小生叨世誼曾瞻德宇坐春風青
氈襲訓知無忝看取庭前御史聰

靜觀齋先生集卷之一

靜觀齋先生集卷之二

詩一百二十八首

挽羅生 星漢

我昔與君交粵自垂髫歲我兄即君兄君弟即我弟
 各抱孤露感子子在人世差喜君質美居家敦孝悌
 謂可攻文藝早年成一第不見纔數月忽聞病危厲
 自是年可恃誰知竟長逝長公尚遭蹶泥塗困淹滯
 君今又止斯先烈嗟誰繼却憶前冬雪與君共聯袂
 孤舟漢水上落日江天霽招提三日飲談話恣睥睨
 舊遊宛如昨君獨已蟬蛻丹旆向何處新阡望迢遞

沉沉玉樹埋鬱鬱佳城閉痛哭寄挽語一字落一涕

挽金判書 光煜

名閥簪紳奕世榮清時雅望冠羣英金華玉署當年
事歷盡三朝到上卿

洛社耆英盛事傳風流暇日啟華筵肩輿鳩杖婆娑
處白髮韶顏是地仙

高步騷壇早擅名行看牛耳主齊盟平生筆下詩千
首散落人間白雪聲

永作重泉不瞑魂吟來一字一聲吞通家小子今三
世忍向西州醉扣門

次金起之壽典韻

朝衣換却芟荷衣賦就歸田尚未歸踈懶豈宜當世
用過從仍與故人違閑尋藥裹沉痾在夢踏漁磯舊
路非媿殺北門携手者邇來尤覺宦情微

靜裡看書味不窮更無來客許相從新詩獨就梅窓
月清夢時回竹塢風莫恠伯仁醒十日敢云方朔足
三冬明宵擬作東隣會對榻論心與子同

嘉陵途中口占

歇馬橋頭坐獨吟夕陽移席借松陰閑敲澗石生新
火煮得寒醪手自斟

前集卷之三
次堂兄湖堂 頌柑後詠懷之作

羅帕分珍荷寵光 詞臣拜 賜有新章 恩深漢殿金
莖露爽浥監橋 玉杵霜擎出重宸 題 御墨携來覆
袖惹天香 騷壇盛事真堪詠 才退慙非錦繡腸

與金久之 壽恒 及堂兄往會於陽山寺醉次諸
公韻

禪窓相對故人顏 樽酒論文百代間 枕外濤聲聞鷺
浦 樹頭漁火見龍山 官聯玉署曾知忝 路隔紅塵便
覺閑 自是君才同謝朓 興來詩就許誰刪

前宵一夢侍 龍顏 寒入瓊樓玉宇間 覺後尚疑瞻

黼座散來猶許到 蓬山非關共忝連 句暇只欲仍偷
半日閑 才退久無池草語 詩成慚屬長公刪

奉別尹使君令丈 尚覺之任峴山

峴首名區碧海邊 使君官是畫中仙 山連楓岳秋容
早 樓枕扶桑曉色先 醉後獨尋孤寺磬 公餘時泛永
湖船 春來花月迷人處 歌舞銅鞮雜管絃

昔年行樂夢悠悠 擬趁新秋續舊遊 夜月更尋天吼
寺 烟花重上太平樓 長閑我已辭丹鳳 後約君先問
白鷗 到處登臨應有賦 須將物色為分留

錄奉堂兄仍示諸益

文墨過從揔俊髦
清朝雨露滿仙曹
千秋大業爭牛耳
一代高才見鳳毛
佳句幾酬青玉案
御香常惹鬱金袍
遙憐海上乘槎客
獨對烟霞弄彩毫

聞槎行渡海簡寄南雲卿

雪裡遙傳尺素來
乘槎使者隔年迴
滄波萬里孤舟夢
彩筆千秋八斗才
天末瑞雲瞻日月
海中蓬島見樓臺
懸知玉節還朝路
春色重尋處處梅

寄示鐵原鄭使君勗

形勝關東古鐵州
昔年曾向此間遊
長江拆地連滄海
峻嶺撐霄自白頭
伯業銷沉春一夢
遺墟寂寞月

千秋知君嘯傲登臨處
北望還添戀闕愁

次寄光州太守洪令公

慶亮

千里詩傳白雪寒
故人消息問加餐
朝回日下鳧為舄
政就江南虎不冠
湖海自堪容傲吏
風塵應笑滯微官
相思昨夜天涯夢
依舊樽前秉燭歡
風塵潦倒豈雄飛
夜夜青山夢獨歸
昭代幾人能致澤
素心當日不輕肥
文章已覺雕虫是
功業還慚汗馬非
未報主恩身未退
又隨殘漏攬朝衣

簡寄杆城使君李公

齊衡

故人關外尺書迴
報道官居畫裡開
柱笏暮雲生海

靜齋集卷之三
四
嶽題詩春雪滿樓臺窓間俯瞰蛟龍闔枕底平懸日
月來安得共君霍舄去仙遊潭上對銜杯

追次堂兄韻示諸益

騷壇聯步日追從意氣相傾許與中愧我雕虫才已
退多君倚馬句還工樽前病起梅窓月塵尾談清竹
塢風歸夢幾尋漁釣約十年猶踏軟塵紅

別龍安沈使君

官路春深五馬驕江南芳草綠迢迢風塵謝客誰知
已湖海分符任折腰千里羈愁東閣月五更歸夢北
宸朝那堪別後相思處獨掩荆門坐寂寥

別忠清金亞使 益廉

金輿親幸瑞慈臺第一詞臣授簡來咫尺侍筵揮彩
筆丁寧華袞歎竒才休嫌幕府三春別終見雲櫓萬
里開歸對錦江江上月也應清夢日邊迴

挽趙大提學錫胤八首

大老云亡後斯文更有誰今公又逝矣吾道益淒其
草草君臣契寥寥諫諍姿百身難可贖志士重含悲
玉立高歌起青雲濶武中來儀千仞鳳去慕一冥鴻
北斗名逾重清朝跡若空無靈今世歎 仁祖昔知

公

銓席仍陞亞文壇已主盟半生貧亦好一日罷還驚
剴切登筵講縱橫抗疏爭行箴惟道在終不戀浮
榮

百鍊精金操支離竄逐身世難容直士天豈困斯人
報國丹心在傷時白髮新偏憐夜夜夢獨自繞
宸

聖主恩如海孤臣泣賜環誰知賈太傅生入鬼門關
尚抱文園病爭驚楚澤顏菟裘終老計歸興即青山
直道從三黜真清是四知 聖朝亡鑑痛多士哭門
悲家立相如璧天無伯道兒平生經濟志都了蓋棺

時

却憶袷陽別孤村匹馬尋風霜千里遠肝膽一樽深
道直心逾泰時危淚不禁醉來分手地星月夜沉沉
三見愁州札偏蒙長者憐逢迎纔數月存沒奄重泉
塵滿曾懸榻床留未和篇公私無限淚慟哭白門前
嘉陵溪堂口號

一間茅屋枕梅槎睡起持竿下晚沙山雨乍鳴庭外
樹滿溪紅葉似桃花

訪心甫新居

雲自無心出官何待老休前期有此水共泛一漁舟

舟中別嘉陵太守

送子嘉陵去嘉陵江自回相思有書札須寄鯉魚來
別茂長使君

高步青雲萬里衢妙年紅頰未生鬚微垣舊覩朝陽
鳳葉縣新染日下鳧 昭代即今多雨露故人何事
半江湖憑君為問光山守羸病經春想已蘇

次南雲卿見寄之韻

春盡柴扉懶不開悠悠節序謾相催心懸 北闕身
難退家在西湖夢獨回芳草有情鋪小砌落花多意
點深杯晴窓日永閑無事時見流鶯去又來

燈夕同金久之南雲卿洪君實歲騎省堂兄往
觀湖堂舊基

一棹飄然下夕陽桃花流水送餘香佳辰正值生金
佛勝友仍誇半玉堂波動魚龍爭鼓舞興來鷓鴣共
回翔樽前各把如椽筆收拾風光滿錦囊

東湖席上示金吏部久之

吏部聲名冠後來騷壇高步到蓬萊毫端白雪千篇
在脚底青雲萬里開五子中原誰擅譽三何一代最
多才今宵醉對東湖月輸得烟霞滿袖迴

示南侍讀雲卿

萬里初旋漢客槎珠璣溢眼捻堪誇來從桑域重浮
海歸到蓬山未落花八斗才高稱繡虎千軍筆掃走
驚蛇吟邊物色知多少樹樹燈光並月華

示洪檢討君實

南陽才望早登瀛赤幟詞垣行主盟瑞彩人間瞻玉
樹清班天上傍金莖東湖更續論文會北闕新騰
抗疏名自是風流稱蘊藉酣來落筆却縱橫

示騎省堂兄

長公當代擅文章筆落珠璣滿錦囊字是馬卿宜授
簡官仍騎省歎為郎才名藝苑誰高下地望蓬山共

頡頏暇日開樽青草渚醉來佳句捻池塘

自述

銀根末學忝家傳名列盧王愧後前清切官銜文是
苑拍浮身計酒為缸閑尋蓬島花如錦醉倚蘭橈月
照筵勝賞百年今夜最明朝回首夢依然

別咸平使君

湖路迢迢五馬催河橋芳草綠勝苔霜臺未試埋輪
手花縣先看製錦才政就訟庭山鳥下夢回官檻海
雲來遙知柱笏詩成處午夜清樽月照梅

草堂偶吟

青龍齋集卷之三
八
暖風遲日雨初晴睡起軒窗午漏清滿院落花纔謝
蝶繞池垂柳已藏鶯閑來謾有憂時淚歸去那堪戀
主誠宦海十年空潦倒烟波孤負白鷓盟

次家兄韻示洪光州諸益

閑盟湖海白鷓深十載唯憑夢裡尋官興漸消非為
倦詩名已謾欲無吟差池陶令歸田計歷落宗生破
浪心却羨使君投綬卧一人林下見於今
踈籬三面小庭空瀟洒幽居梵宇同松際映來當戶
月柳邊吹送岸巾風歸田半歲依依夢報主平生
斷斷衷鎮日與君相對坐消憂唯許瀉郢筒

七月既望同權按使榻登拱北樓

孤城迢遞接雲平白日棘門畫戟橫威鎮湖山人得
意令嚴鐘鼓夜無聲樽前十隊絃歌妓帳下千羣組
練兵緩帶輕裘談笑裡時從遊客引深觥
落日登臨拱北樓五雲多處幾回頭孤城砧杵千家
夕萬里湖山一鴈秋才退未成池草句興來猶泛木
蘭舟他鄉此會真如夢歸向風塵詫勝遊

扶餘客館次壁上韻示權按使

舞榭歌臺已寂寥繁華誰泛木蘭橈將軍百戰功何
在義士千秋恨未銷秋月幾懸江寺夜天風長送海

門潮龍亡花落渾如夢吊古登臨鬢欲凋

重入披香堂口占示權按使

重倚危欄坐寂寥小燈虛幌篆烟銷涼生砌竹金風起香謝池荷玉露凋酒醒五更殘月在夢回千里故園遙明朝却向秦京道畫角聲高馬嘶

宿龍仁客館

古縣槐陰薄斜陽客到時庭空闕雀下門掩候虫悲北望三山近南來匹馬遲明朝宜早發江漢有佳期

挽申元澤混

碧落仙郎白雪聲青雲高步早登瀛攻文自擬追班

馬標望爭推並弟兄會憶蘭臺空有夢書回楚澤各含情人間謫下今三紀蟬蛻飄然上玉京

挽慎獨齋先生

儒林當代老宗師薨向清朝作羽儀晚節沉潛惟樂道中年進退實關時軒裳夢斷風雲隔丘壑身閑日月遲石室黃山同一色千秋留得大名垂新秋銜命從臣班為吊靈筵再拜還不復摳衣承警咳猶疑入室待容顏龍亡大澤吾安放天喪斯文道益艱遙想平生門下士一時相嚮哭青山

伏蒙 恩暇往掃先塋

百里嘉陵一日歸
望中籬落正依依
朝辭紫闥雲隨馬
暮宿青山雪滿衣
踈節豈堪當世用
素心還與古人違
從今欲遂田園樂
長向幽居掩竹扉

靜中口占

亂峯晴雪欲昏昏
立馬呼鷹過別村
山客薦蔬香繞席
野朋携酒綠盈樽
閑中趣味真堪詫
分外功名且莫論
醉後共尋孤寺宿
夢回清磬月臨門
為惜流光坐寂寥
五更星月夜迢迢
空驚霜露添新感
未有滄埃報聖朝
三字官慚才已退
二毛年恐鬢先凋
青山是處猶堪隱
肯待幽人桂樹招

歸家詠盆梅

一朵寒梅未臈開
暗香如待主人迴
春心已向枝頭鬧
暖氣先從雪裡催
興在西湖空有夢
詩傳東閣想銜杯
燈前坐對參橫後
恍若新從庾嶺來

口占遣懷

靜裡看書味自長
掩門孤坐點茶鐺
床移竹影詩偏爽
枕繞梅花夢亦香
身外功名等鷄肋
世間歧路劇羊腸
如何又著朝衣去
十丈塵中竟日忙

三年多難更憑危課作

滿地江湖日月過
醉憑危檻獨悲歌
心懸北闕青雲

詩蘊齋集卷之二
隔身落南州白髮多宇宙百年堪涕淚山河萬里尚
干戈橫吹鐵遂無人和極目汀洲生素波

春帖

日高宣政殿頭時 玉座親臨禁漏遲物色一年逢
令節都俞千載際休期簾前暖氣宮梅得雪裡春心
御柳知宴罷侍臣扶醉下賀班搖筆獻新詩
內閣盆梅不受風東君消息曉來通居然萬物皆春
色盡在 宸心發育中

寶座香生席金宮日轉簷 聖君勤御講爭喜漏籌
添

挽金判書 益熙八首

忽忽吾如失茫茫理可疑今公竟不起浮世轉堪悲
密勿經綸志昭融際會期居然都了盡慟哭蓋棺時
慎獨先生姪沙溪大老孫家傳詩禮學身服聖賢言
蘊藉金華講縱橫白簡論方看雲路濶萬里任騰騫
載筆東槎後爭推錦繡腸青雲隨步武白雪散篇章
議自千人廢名仍萬口香堂堂匡濟策腔裡大鋪張
洒落風雲契流傳奏疏篇諸賢思展布隻手任周旋
白日羣昏廓清朝 異渥偏文衡與銓席一蹴近台
躔

廊廟都俞地雍容袞職陪片言疏衆務 聖主歎奇
才任大身先病名高鬼亦猜空煩虛席待不復履聲
來

閉閣經秋卧相看只愴神太醫常診疾內劑幾分珍
寂寞憂時語沉綿報 主身從今文酒會誰是撤皮
真

一代論才盡 重宸奪速悲行箴曾適義來去即關
時永蘄真清著文章盛業垂名臣應有傳無愧蔡邕
辭

祖子孫三世親兄弟共看過從偏意氣吐露自心肝

宇宙知音少風塵行路難春夫丹旆發淡盡大江干

有感口占錄奉諸益

深巷寥寥獨掩扉悄然孤坐對斜暉時危許國身當
死賦就歸田計已非萬事風塵惟感慨一春花柳自
芳菲分明昨夜西湖夢雨後晴波沒釣磯

再疊前韻

抱病三春掩竹扉愁邊花柳媚晴暉文章小技元無
補經濟初心轉覺非塵世半生甘潦倒瓊潭何日採
芳菲汀洲釣侶頗相報烟雨苔深白鳥磯

次堂兄韻示諸益

閉戶經春不賦詩漫將義易手中披文章豈是頭風
愈歲月從它髮雪欺末路浮沉無一可故園歸去有
三宜靜觀物理燒香坐簾外斜陽樹影移

次金久之見示韻錄奉金起之直廬

寂寥深巷少人過坐對爐香裊裊斜夜色最宜晴後
月春光漸謝落來花初心肯為功名地晚計惟存水
竹家慷慨不禁憂國淚含杯咄咄只興嗟

再疊前韻

病裡韶光忽忽過樹頭殘日又西斜敲門有客論奇
字對酒無人掃落花塵露豈裨當世事文章還愧大

方家江湖魚鳥應相待孤負初盟獨自嗟

次金久之見示韻

病後風光不到詩滿庭花落錦雞披青山孤夢曉猶
在黃鳥數聲春欲欺潦倒功名身已倦優游林壑計
偏宜如何更鎖金門直空對宮簷日影移

次洪承宣韻寄舍兄南行

把酒春光黃鳥稀落花流絮點人衣依依斜日孤舟
別脉脉東城匹馬歸殘夢尚隨征旆去勝遊還與故
人違朝來欲寄相思字千里南州鴈不飛

又次洪承宣見示韻

靜齋集卷之三
綠陰如畫掩重城上苑春聲百舌鳴楊柳絮飛風乍
起木蓮花發雨初晴惟將勝景供詩料敢道明時薄
宦情堪笑十年成底事素心還愧負平生

揚江舟上贈李侍讀心甫

晴江水濶片帆開有客新從禁裡回一代高才揮彩
筆百年豪興把深杯風生月峽濤聲起日落龍門暮
色來自是玉皇香案吏五更歸夢繞蓬萊

過朴尚書遺故宅有感

幾向華堂醉吐茵舊遊如夢只沾巾詩篇滿壁塵初
暗庭院無人草自新簾捲青山看氣像樑空落月想

精神誰知門外揚鞭客半是當年座上賓

重訪李生幽居

長夏青林赤日無輕颺麈暑入庭梧誰知洞裡清涼
界別有人間造化爐踈影亞時傾竹露暗香來處瀉
荷珠蕭然相對渾無語自是冰心在玉壺

別金堤崔使君

潦倒風塵七尺身十年郎署髮如銀談經南國推高
第抗疏清朝見直臣未戴多冠登柏府還乘鳧舄奉
蒲輪遙知傳舍承歡處父子榮光滿路新

曾誦披襟閣裡篇江南烟月夢依然秋晴梅竹千家

靜齋詩集卷之三
十五
繞水澗陂塘萬頃連物色想應如舊日風流誰復繼
當年知君此去偏多興盛事寧教鄭老專

次洪侍郎閒中見寄韻

垂柳陰中掩板扉隔簾新月照依依床移竹影風敲
夢枕繞荷花露襲衣靜裡幾成清夜會病來還與故
人違新秋莫負西湖約十里汀洲並馬歸

漢江舟上別湖西李按使錫爾慶億

清秋蕭瑟動離歌蕩漾孤舟漢水波千里旅愁郵館
月五更歸夢鳳池荷宜從暇日看書史肯把深杯對
綺羅交節故人應問我別來顏髮近如何

簡寄維揚南使君雲卿

簾捲清宵月上初小軒趺坐老禪如閒來塵滿幽人
榻病後門無長者車却羨使君能跨鶴還憐學士未
焚魚東城咫尺維揚路莫向朋知問訊踈

復次前韻簡寄雲卿

擬向山中賦遂初更從方外學真如賓送剡喜曾投
轄世路還驚幾覆車自愧池邊躡是鳳休誇帶下佩
為魚它時惠好同歸去問舍求田計不踈

陪從 文廟口占志喜

玉輦徐回壁水東漏聲初罷景陽鐘旌旗掩映千門

月環珮丁當五夜風仙樂動時雲乍合彩花頌慶露
猶濃微才忝列詞臣後盛事揄揚愧未工

幽居即事次老杜秋興八首

家在城東近上林逢秋幽興轉蕭森簷間捲箔迎松
籟窓外移床借竹陰羅雀久無今雨客看書時得古
人心閒來別有新詩料萬戶寒聲月下砧
三迳初開細復斜病餘孤坐惜芳華霜侵砌竹妨新
筍寒透庭梅護鶯榭昔日酣林全似錦受風鳴葉巧
成笳無人解送王弘酒謾向東籬嗅菊花
循除幽澗自逶迤簾外青山浸半陂對客拈毫題落

葉呼兒煖酒拾枯枝閑來漸喜輪蹄少病起偏驚節
序移斜倚曲欄誰共伴月明池畔鷺絲垂

身外浮榮入掉頭夢回湖上荻花秋歸來未就陶潛
賦搖落偏添宋玉愁半世功名同穴蟻十年塵土愧
沙鷗踈慵已謝承明直何必分符要作州

蕭洒茅廬枕碧山經霜罽粟落簾間病來布被朝猶
擁客斷荆扉晝亦閑把彩毫供漫興細斟浮蟻破
愁顏燒香靜坐無餘事却勝鳴珂趁曉班

閑來欹枕對斜暉洞裡幽居世念微池欲靜時寒鷺
宿竹成陰處恠禽飛青山綠水夢猶在紫陌紅塵心

青龍齋集卷三
已違有約十年歸未得白鳩應笑食言肥
滌落都輸一局棋笑來身世轉堪悲文章大業非吾
事經濟初心負 聖時末路已憐知己少急流仍愧
退身逢漁樵舊侶頻相問咫尺江湖費夢思
閉戶仍收翰墨功一秋光景屬閒中尋詩岸幘松閣
月醒酒披襟竹下風玄理靜觀虛室白素餐羞窈太
倉紅都將萬事隨吾分得失從來有塞翁

謹次舍伯韻寄萊州洪使君君實

樽前脉脉謾相思歲暮天涯惜別離雪後禁中傳遠
信春來洛下待佳期三更客夢孤燈伴千里歸心一

鴈知最是望雲無限意幾看滄海月盈虧

次金久之韻

羊腸世路轉問關已覺紅塵宦興殘靜欲守玄竒字
識醉從浮白故人看才名敢擬無靈士地望真慙第
一官深鎖直廬愁不寐禁林風雪五更寒

又次

邇來纔透利名關靜裡還驚鴈又殘五夜漏傳敲枕
聽數篇詩到對燈看表安謾自流霍涕常侍還應倦
一官醉睡直廬成小夢故山松桂雪中寒

又次舍伯韻效白體

青雀齋集卷三
寵辱榮枯都不思世情朝暮合還離求魚緣木或能
獲得鹿覆蕉寧自期富貴眼前即可艷功名身後誰
其知百年萬事捻如許試見昭琴成又虧

次洪君實寄示韻

天末相思路渺茫五更歸夢嶺雲長身因許國輕如
葉髮為憂時半着霜詩寄舊遊空有興書來苦語幾
成行須君好伴青春返共趁晨鐘入上陽

還自嘉陵舟泊楊江訪李心甫幽居次前日白
雲樓韻

百里尋君載酒迴幽居形勝畫中開柴門歷歷曾行

路柳岸依依舊釣臺三月落花寒食雨五更殘燭故
人杯丁寧別有同歸約分付沙鷗待我來

登送月巖又次前韻

落日清江放棹迴洞天深處桂花開山中別有歲春
鳩巖上同臨送月臺雨洗桃潭波勝錦雲生石臼影
侵杯誰言猿鶴愁無主看取紅塵拂袖來

白雲樓下別李心甫又次前韻

春風鼓柁夕陽迴激灩晴波百里開清磬遠聲聞古
寺白雲愁色吊空臺孤舟一別此江水明日相思何
處杯知有前期莫怡悵年年佳節共君來

楊灘逢逆風口占

倚醉高歌碎玉缸興來終日倒蓬窓春流欲漲桃花浪地勢渾疑揚子江夕照漏雲看點綴風灘激石聽春撞溪山應接真無暇敢道詩成筆似扛

寄別洪尚書命夏西行

送子槎行涕滿巾西關此去暗腥塵人間不改龍灣路天上誰為鳳詔臣花月至今虛照眼樓臺依舊捲傷神何當更續昇平事共泛蘭舟淚水春

東郊觀魚次金侍郎寄示韻

草堂如畫枕溪灣松柳陰中掩竹關郭外偶成今日

會世間難得暫時閑聯翩隣友携壺至次第村童罷釣還試踏晴沙弄春色醉題詩句倩誰刪

南宮陪從後鎖直口占

鑪香一炷散輕霞睡起晴窓坐點茶日影報稀高閣漏春光落盡小庭花歸田賦就身將隱報國誠深髮已華看取朝來陪從地可堪袞涕自橫斜

送春日偶吟示安侍讀後說

朝來一雨送殘春落盡庭花錦作塵佳節任從愁裡過流光偏向鬢邊新才慚藝苑官三字夢繞漁磯月半輪報了主恩身未退等閑鳴鷺莫相嗔

寄別關北鄭按使知和

鐵關之外黑江東，遠拓提封大漠窮。
鎖鑰百年天設，塹山河千里地連。
戎沛中王氣，諸陵壯塞上軍容。
六鎮雄聖主，即今勤北顧。
一方專制屬明公，文翼公曾按北門。
名棠遺化至今存，大名草木昆虫識。
佳政兒童父老喧家世，五朝連出相藩維。
此日又傳孫知君，攬轡澄清志應紹。
先休報主恩，玉節臨營夾路歡。
褰帷隨處簿書閑，雕戈畫戟威儀盛。
綏帶輕裘禮數寬，把酒白雲生渤海。
題詩明月滿咸關，還憐夜夜孤臣戀北堂。
宸居淚幾彈。

檀城古府接愁州，夜宴番人敞樓帳。
下兵威嚴節制樽，前妓樂動歌謳戰門都。
護爭趨謁蓮幕參軍迭，猷酬自是漢家長策在。
好將恩信款諸酋，九月寒霜塞草凋。
邊庭校獵試弓刀，青絲赤羽千夫擁。
落日平原萬馬驕，吹角陰風來鞞鞞。
揮戈殺氣動招搖，男兒許國酬恩地。
看取龍泉劍在腰，尚記河橋醉後辭。
數憑魚鴈慰相思，樽前病起秋將盡。
天末詩傳月幾虧，浮世本來難會合。
孤懷隨處惜分離，依然竹院過從地。
擬待君還更舉危，東湖舟上別嶺南。
洪按使歲

一蹴卿班擁節旄妙年才望冠時髦纔從萊海回仙
舄重向蓬山弄彩毫逸興秋風吹漢水離愁木葉下
庭臯遙憐別後相思處頻路迢迢夢獨勞
清江落日解行舟為向沙頭更少留已判別來三日
惡那堪客裡二年愁東湖夢繞蓬萊月南國詩成橘
柚秋莫道山河從此隔素書千里鴈為郵

新居即事

新占幽栖上苑東地偏還似梵王宮身閑敢道書成
癖性懶惟耽睡策功箔外喜聽秋雨響窓間愛就夕
陽烘孤吟盡日無人問坐數空階葉墜風

坐聞仙漏響丁東為是幽居近紫宮病後杯樽憐舊
興靜中書史愧新功映階菊艷經霜吐繞屋楓酣帶
日烘高枕穩眠無一事北窓時送岸巾風

門開心靜自清涼課作

門掩清江白日長石榴花下坐燒香詩書有味身堪
老名利無心夢亦涼靜裡啣杯供活計閑來鼓枻詠
滄浪笑它塵世營營客苦海浮沉底事忙

歸溪上簡寄院內諸公課作

草堂依舊俯清溪白石蒼苔路不迷避世初非彭澤
隱携家偶似鹿門栖杯中真味吹浮蟻野外閑情寄

赫蹄遙想院中多暇日共酬詩律幾篇題

大殿春帖

御苑春心雪裡催東風先着柳邊回雲浮鳳闕祥光
繞日上龍樓瑞色來環佩響隨銀燭散旌旗影拂翠
華開金輿轉向長秋殿更進南山萬壽杯

緬思桃源內課作

秦人昔避世遂入桃花源桃源在何許白雲流水村
村村桃李花紅錦迷川原烟霞太古春耕鑿開田園
日出聞鷄犬年深長兒孫遂與世人隔興亡安足論
羨彼漁舟子容易入洞門憐余生不辰飄蕩西南奔

既乏諫諍姿無力清乾坤干戈十載間白首病獨存
緬思物外人誓欲謝塵喧靈境路阻脩桂樹難攀援
歎息身計拙悵望空傷魂

謾吟

六月清風爽滿樓夕陽欹枕興悠悠入簾鶯語猶含
暑隔樹蟬聲已報秋病後一身無長物醉來千日失
閑愁纔從竹下開三逕為有羊求作伴遊

靜觀齋先生集卷之二

靜觀齋先生集卷之三

註一百四十一

別湖西伯徐載通

聖朝恩擢自郎官報國丹心世共嘆執欲固時須擇
善猛要濟處合由寬言能博取身無失畫必精思事
可完功到去矜仍制怒一方施設也何難

金判府事蓋國挽

玉立清朝際會期高才雅望冠當時終看峻秩三台
近更賀遐齡九莖垂閑對駱峯書史在醉携鳩杖弟
兄隨居然次第風流盡寂寞空餘夢草池

白江李相公敬輿挽

玉立先朝一介臣，曾將隻手任經綸。
風雲更際千年運，嶺海初還萬死身。
跡謝清時居散地，病緣明主隔重宸。
平生克舜君民策，大自鋪舒竟莫伸。
熙政堂中告退時，主憂臣戀淚交垂。
西湖縱遂抽身計，北闕猶傳瀝血辭。
天意不曾遺一老家聲，唯得仗諸兒。
常慙小子蒙虛獎，忍檢朝陽七字詩。

李參判時楷挽

兩世芬芳太史名，清朝玉立弟聯兄。
飛騰萬里丹霄步，洒落千篇白雪聲。
爭道鳳毛傳謝業，行看牛耳主

齊盟居然夢覺邯鄲枕，半百年仍秩亞卿。
纔哭滄洲又哭公，此生何處更追從。
空懷雪後王司馬，忍對雲間陸士龍。
恍惚尚疑陪笑語，分明猶自想儀容。
蕭條一代風流盡，泣向黃壚撫舊蹤。

別趙仲初丈復陽

無端平地起風波，世事從今付奈何。
玉署銅龍渾似夢，五湖歸興一漁蓑。

別同春

飄然行色出紅塵，落日仙舟渡漢津。
好趁故園花爛熳，也應餘夢繞楓宸。

重遊道峯

曾踏桃源洞裡春一溪花落錦成茵
今來水石渾依舊誰是當時對酒人

霽月光風佳氣象仁山智水好襟期
詠歸門外今朝興點也雖狂是我師

江頭送客

日落廣陵上悠悠春水生孤舟
對燈話千里送君行浮世雲俱變
歸心月共明仙區有佳約秋待桂花迎

麟坪大君挽

棋檠公子罷朝天一病三春阻御筵
痛苦在躬勞

聖念仁宜享社仔遐年誰知玉趾催臨駕已報醜輪
倏上仙貳極床前親執燭重瞳淚下仰如泉蓬萊往
跡靈應訪花萼餘歡夢尚懸最樂善看華屋扁獨賢
功記近臣編庭留幾朵芳蘭盛筆落千章寶唾傳江
漢風流渾寂寞樓臺月色謾嬋娟雲迷駱宙笙簫斷
秋入牛岡草樹連別有籥歌鳴咽處粉旌還載舊虛
舡

讀明史有感

手閱青編味轉深百年興廢卷中尋
誰懷管葛擎天志運八金元掩淚吟
歷歷可知前代跡時時得見古

人心重恢大業吾王事自幸躬逢聖世今

潜谷金相公墳挽

磨礪剛金早着功晚登黃閣達猶窮平生志業經綸際一代安危進退中編史汗青看特筆愛民心赤感宸衷人間壽福知何憾八十年来保始終終南山色碧嵯峨拱北亭名共不磨遺疏忠規推剴切耆筵勝集想婆婆銅闈配德流輝遠珠樹聯芳積慶多它日名臣應有錄千秋文字即江河

次趙禹瑞龜錫韻

簪盞良辰儘有緣閉門吟病興猶牽達迎愧我交遊

少許與多君意氣偏園竹攪風爭起爽砌花經雨巧粧妍酣來遮莫催歸騎且待花軒月照筵苦海浮沉困業緣散來猶滯被誰牽休言雞肋功名薄幾向螭頭雨露偏供世只應甘守拙入宮還肯效爭妍江湖白鳥初盟在載酒行尋野老筵

正朝日口占

巳亥以繡衣往湖南時

王事驅馳幾日歸忽驚春色到天涯空經嶺海千重險未救村間百萬饑食不下咽寧把酒行惟墜淚詎吟詩今朝望闕嵩呼處夢逐鴉班拜紫闈

孝宗大王挽章

小臣孤露泣餘生惟向清朝仰 聖明沒齒詎能酬
至渥銘肝紙自激中情那知一夕崩天慟永負千秋
捧日誠忍把何辭慕盛德詩成字字淚縱橫
地覆天翻丙子年廣陵城下泣西遷心懸日月寧忘
漢身歷風霜幾滯燕望協元良仍繼照訓深精一即
親傳堂堂千古唐宗志者取遼河御製篇
和氣春融萬壽觴 東朝遐筭祝崇崗梁王愛篤時
同輦虞帝誠深每見墻霜露原陵勤洒掃必芬清廟
肅烝嘗人倫至德尊為謚並羨淳熙較有光
回軍義大命初膺拯溺息深運再興十載 聖心追

二祖千秋幽宅並三陵雄圖漫入青編紀賢館空餘
俊士登前後朝宗江漢志 嗣王今日更丕承
五夜金宮吉仗移輦前猶唱侍臣儀空臨秦穴慙黃
鳥忍向堯階想彩眉花賞玉欄春不老鴈沉銀海曉
無期年年節迫天中日不盡人間萬古悲

閔叅議光勳挽

傳家清節畏人知和氣常薰笑語時久識聲名華省
遍肯嫌班序暮年遲閑從散地身將退痛結 崩天
病已隨餘慶剩留三玉樹壯元兒並吏郎兒

延城君李公時昉挽

天地重新癸亥年宗臣形像冠凌烟文章古有三蘇
盛勳業今者二子聯位判金吾仍世繼封齊柱國即
家傳明廷出入雙犀帶卿月台星耀後前
三朝獨掌漢南兵身作長城拱上京密勿楓宸承眷
渥綢繆素土任經營誠深報 主家何顧語到憂時
淚自橫鎮日籌司規畫地血忱循國想平生
幸忝同宗小弟行追陪往跡已淒涼重尋賓館惟垂
涕獨拜台扉倍斷腸清自耐權者後事慶優傳業仗
諸郎菟裘晚計都歸勾哭送丹旌返海庄

洪修撰在三室內挽

誰遣郎還數日逢入門惟見嚶孃兒空傳別後機中
信永闕平生鏡裡儀掩却素帷腸已斷竟來長筆淚
猶滋景憐持被鑿坡夕謾有丁寧刺刺悲

完南府院君李相公厚源挽

初從麟閣到黃扉素節三朝一布衣可但風雲偏際
會也知詩禮早依歸身目欲退常辭位事未當前已
見機病裡幾揮憂國淚漫教遺疏徹重闈
九天花賞玉欄開歸去公應咫尺陪孤露小臣猶未
死千秋五月只銜哀空瞻拱極台階迥孰挽朝宗漢
水迴最是漸休亭尚在更誰重引白駒來

延陽府院君李相公時白挽

公侍延平府院君黑頭同建柱天勲形模父子棋隣
盡名姓華夷婦孺聞重厚古稱周太尉忠勤今見霍
將軍經綸盛業徵良史自有江河萬古文

漢南當日護龍旂月暈孤城箭雨飛刮骨獨先當一
面忘身直欲潰重圍誰教廊廟羈縻策未展金湯戰
守機種蠱百年遺恥在幾回中夜淚空揮

壽福千秋兩子儀半生黃闕國安危尊喬岳人誰
間險歷瞿塘世敢疑自是精忠天地感由来悃悞鬼
神知識心孝友居家行痛結前春哭第時

大室峯頽大厦摧星文又拆舊躔台空聞秘器東園
出忍見遺章北闕來 聖主方深三鑑痛蒼生遽抱
輟眷哀凌烟將相今餘幾日夜長江去不迴

沈司諫東龜挽

曾上元龍百尺樓至今湖海想風流雲霄路隔惟丹
悃魚鳥盟深已白頭寒谷更誰吹暖律清時獨自賦
窮愁堂堂志業仍長夜痛哭羊曇淚未收

申參判翊全挽

龍津山色碧無言依舊長江一脉存餘事並驅都尉
筆清名獨保相公門身無寵辱終何有味在詩書晚

更敦人代即今渾寂寞忍揮哀淚問乾坤
大郎交許百年情結髮追遊視弟兄每賀庭前蘭玉
盛幾承床下笑談清城南晚計纔華屋夢裡浮榮已
粉旌閉戶經春仍抱病都門執紼負平生

洪君實挽

自哭君來我若癡我心君在九原知依然君我平生
事寫入哀詞字字悲

昔從心甫與君親傾蓋初逢戊子春浮世面交何足
數襟期相照即雷陳

金門射策我差先君因公車志益堅論議後來為領

袖賢關仍掌士林權

哀然俄作大庭魁爭賀清朝得俊才秉筆我慙叨通
列歎君終始護蘭臺

青雲高步共騰騫對直金鑾上下番君是講筵三昧
手理明詞約色仍溫

逮我同君忝吏郎君持清議任明揚薇垣相府仍先
後諫草君能凜有霜

文會樓中着不才愧隨堂伯共徘徊惟君雅望宜斯
選自有詞源浩浩開

四月東湖泛月遊醉來揮酒各風流父之在左雲卿

右温克推君地一頭

我目嚴譴出郊時君冠湖堂應製詩共道恩光榮一
世手携珍褥下天墀

君由剡薦宰維揚文士還能吏績良時向上東門內
過竹樓相對說閑忙

萊州迨通香南陸君不幾微等險夷有使有書書有
詠一天明月照相思

君仍持節任觀風連歲超遷出 聖棗纔到洛中來
訪我可堪行色又恁恣

頻年遠別曠離愁我送君行漢水頭脉脉臨分無限

意半江斜日在孤舟

我經湖外夜行還一病三春書掩閣君在嶺營頻寄
藥書來滿紙語堪潛

五月 天崩痛哭餘君曰勞瘁病脾虛歸來邂逅銀
臺會言貌驚非舊日如

巷分南北病支離各抱憧憧費夢思我向西湖便靜
養君時有問索新詩

俄聞病欲促鞭行及對賢郎淚暗傾君喜我來邀我
入喉間數語不分明

強為歡笑慰君來日日伴人問症迴一夕未伴承計

遷寢門哀淚徹泉臺

一盃為奠哭呼君
况對君顏奈莫聞
辟立弊廬無一物
篋中惟有舊詩文

園花無主為誰開
依舊親朋次第來
惟見小堂垂總帳
更堪門巷已蒼苔

臨江哭送有餘悲
此日君行返幾時
萬事即今都已矣
九重泉路又交期

金大司憲 德誠 遷葬挽

丹心一片愛 君辭大義堂堂
辟立時白髮風霜投
遠徼明廷雨露際
昌期烏臺玉署官
班迥直節清名

士望推存沒俄深
殄瘁痛蒼黃
忍說亂離悲幾年
雙劍延津合此日
新阡永宅移
遙想為松榮謚煥也
應泉下拜恩私

蔡判書 裕後挽

名利閑頭少
歌人任宅平
進到星辰宵
中自不嬰塵務
座上何曾對
俗賓爛熳光
陰仍醉夢
尋常談詠亦精神
文衡冢宰今都了
江漢風流月一輪

夜坐寒碧樓偶吟

高樓縹緲白雲端
人倚樓頭十二欄
明月滿簾清不寐
玉簫吹徹洞天寒

曉霧

天水冥濛上下同
回頭萬里失西東
主人賴有惺惺子
一鏡猶明方寸中

寄洛中諸兄

東湖落日解行舟
來泛烟霞別界秋
回首暮雲迷絕峽
開襟明月滿高樓
身安漸有閑中樂
心定元無分外求
只是謝池相憶處
五更歸夢自悠悠

舟中口占示兩姪

靜裡工夫愧日新
孳孳猶欲勉為仁
道心炯若雲中月
世利紛如路上塵
已覺賢愚同此性
從知位育在

吾身何當學了元
央繡却把金針徧與人

述懷

悟後心初定
閑中理益明
簪纓知是幻
風月問誰爭
想有高人笑
猶呼太守名
何當投紫綬
歸與白鷗盟

次寄李彝仲敏叔

聚散遽如許
閑忙奈未同
纔逢玉笋下
還送錦屏東
盛業宜無替
初心行有終
殷勤兩相勗
別後意何窮

江上偶成

獨立沙頭看水時
天機隨處歎如斯
人間夢斷青雲滿
洞裡身閑白日遲
遇興一杯真率酒
放懷千首打

青巖集卷之三
十一
乖詩真心霞月年來意付與滄江白鳥知

又用舟字韻

身似江湖不繫舟主恩歸對錦屏秋
心潛太極瀛溪說興在空中邵子樓
致澤敢期當世用行藏惟擬古人求
今朝偶出丹丘洞回首烟霞別夢悠

鳥嶺寄舍伯

嶺樹參天嶺日寒嶺頭分手日將殘
回看宦海風波地此路人間不是難

聞心甫訃後泛北津口占

十日幽吟淚暗懸今朝強起泛晴川
水光山色如相

慰知我我洋已絕絃

申正澆挽

合置金華殿裡人雍容雅操聳簪紳
韶顏白髮真如畫玉尺冰壘迥絕塵
舊業青檀仍素履賢郎丹桂又前春
偏憐拙宦終三品差慰遐齡近七旬
賤子幾曾陪杖屨清儀猶自想精神
它時酷似過從地忍向城南拭淚頻

李典翰壽仁挽

昔我並南海推笏上月岳朝發道岬
寺暮訪學士宅萬壑擁千峯蒼松間翠
竹階前水簾飛窓外梅花落

主人披鶴氅清坐點羲易跡與世已疎心隨境俱寂
物外保幽貞人間忘寵辱相對語移日蕭然林下客
柴門醉分袂回首雲山隔邇來二三載憧憧阻書尺
忽聞千里計音容遽真漠慎老亦遊岱想公同追逐
後今大江南誰復繼高躅世人競腐鼠營營自曉夕
兩公獨遐舉一往牢着脚只此兩樹立亦足激頽俗
今焉次第逝已矣不可作空將薤露詞遠寄南天哭
在嘉陵山中次起之漢南韻

年華忽忽此時更世路悠悠幾日平悟後功名真妄
幻閑來事業即誠明行藏在我身堪退榮利欺人夢

亦驚倘得錦屏三畝地擬從耕釣送餘生

天柱寺次金父之在西關寄示韻

三十文衡債使榮嗟君不是盛時行繁華事已成陳
跡清切銜猶喚舊名字宇宙百年空有淚江山千里搃
傷情如今報國惟筋力莫歎驅馳雪裡程

羅海州星斗挽

公是吾兄弟弟兄兩家孤露各餘生休言丙子年來
痛每憶禪菴洞裡迎地下陪遊還有樂人間離別只
傷情惟應仲氏重逢處共作修文接武行
七尺形軀載一棺長呼不應夜何漫平生悃悃纔中

壽三品遷陞亦外官瑩下故山差可慰兒持先業奈
逾寒偏憐玉潤天涯感約到還家空已完

鄭叅議收挽

門闌輝燦冠簪紳早歲青雲自致身跡遍清華推地
望心無畛域見天真通家誼已忘年厚寓直情仍接
席親浮世百年還一夢峽江風雨送靈輜

趙進士來陽遷葬挽

尚記尊前把臂時草堂微月賦新詩空餘十載相思
夢已作重泉永別悲曾羨五常聯璧在即聞雙劍故
瑩移平生未展青雲志付與承家玉雪兒

申判書竣挽

靖社群英翊 聖君平陽父子最承恩勲名一代旗
幟閣家世三朝將相門秋部超陞才望著台司密勿
典刑存誰知轉眄成千古江外緘辭但淚痕

趙龍官休挽

少年聲譽動長安倚醉揮毫世共看志業早期真宰
相功名終困老郎官飛騰路隔青雲濶蕭瑟歌傳白
雪寒春雨橘林埋玉樹緘辭南望涕闌干

寄載通

一宵聯枕話深情自歎終乘見處明已覺聖狂同此

性從知仕止等浮名心懸報主慙無長意切修身
愧未誠勝讀十年書浪語願君珍重勗前程

南永平鑑挽

豪氣崢嶸早出群馬卿當日對文君銷金帳裡羔兒
酒一曲高歌水洛雲

海上竒遊夢一場至今名姓在金剛歸來洛下門長
掩着作風塵白首郎

湖峽分符兩縣時杯觴餘政有遺思年來舊習消磨
盡猶向樽前倒接離

翩翩丹旆向何歸曉指松山舊路非為有雲卿知此

感幾將哀涕共沾衣

鄭高陽昌徵挽

結髮論交二十年兩家情誼弟兄聯平原舊跡今如
昨尚記高堂舞彩筵

相門清節畏人知冰蘗貞心有是兒天意定教伸濶
步如何終阻鳳凰池

白門風雨送丹旌沙峴歸燈點點明此是向時來去
路後思隨處泣遺氓

李井邑挽

一見知良士天真藹笑談微官困洛下簿縣試江南

阻問心常係承凶淚却含猶堪慰身後庭訓見諸男
花山路上別通令北伯之行

不以山河隔寧熯道路重精神千里外肝膽寸心中
大處差堪讓歲時政可攻官閑勤有讀莫使戎萊今

俞市南祭挽八首

世乏通才久公生百歲纔有言皆達識無事不無該
做說時雖異扶匡志則恢堂堂王伯畧名下望曾台
抗疏孤城日投荒絕塞時淵源閩洛學規範馬班辭
博貫全經史旁通到卜醫從來該洽士行豈讓於知
寧考思興奮諸賢起築漁茅茹首簡擢廊廟大鋪舒

密勿訐謨際雍容奏講餘君臣千載會致澤志堪據
萬古崩天慟為輝繼照明官仍亞周宰文即主齊盟
朝豈才違用時將道未行飄然二老返獨立與誰爭
名大還為累息深轉自難終知進退際各要始終完
丘壑盟仍在風塵念已寒猶憐趨走地許國寸心丹
勞瘁經時病沉綿報主身死生元一理來去即同
辰觀化追康節無年等伯淳諄諄臨絕語扶坐更精
神

特賙哀榮備殊恩死後光朝三一鑑慟人贖百身傷
宇宙論才盡雲林撫跡涼遙知會葬地幾處素車忙

年位雖差後公曾少弟看逢迎談性理披豁吐心肝
疑滯今誰質我洋已絕彈斯文無限淚痛哭對藥藥
谿谷張相國內外遷葬挽四首

勲德三韓相文章百世師道將興禮樂學已溯濂伊
正氣星辰返高名字宙垂九原無起日二十八年悲
片言遺物則萬理入神通即此先人語當為後代公
衣冠重出世精爽尚留虹配德張碑在千秋葬禮同
毓慶今文母東朝壺極尊陰功流聖澤慈訓叶高門
哀仗重闌哭廢儀內使敦後知百靈護御筆動新原
自有駒千里青檀舊業承常存車馬戒却似布韋曾

雲路慙同忝龍門恨失登平生先友記一讀一沾膺

權正雋挽

雅望宜盛白玉堂風儀豈合久潛郎如何歷落乖公
路竟使栖遑老郡章病裡精神猶耿耿夢中談笑尚
琅琅忘年知己平生慟泣寫哀詞淚自滂

觀書偶吟

幾討遺經費寸陰爲魚妙處竟難尋王公只見伊川
西范女何知孟子心隨柳傍花閑氣象光風霽月爽
胸襟點頭這裡無言日不用思量不用針

廣津留別李監司一卿三首

朱張兩夫子昔作長沙遊各闡鳶魚妙三日夜不休
仍論太極蘊眼底無全牛後來千載下誰復追前修
今我冰炭心亦從君講求聯袂三十日坐卧窮研搜
勝讀百年書閑興方綢繆今朝倏相別搖落江山秋
前期知不遠雪後山陰舟從當更卜隣暮境同沈浮
與之究此業然後釣滄洲
落日廣陵渡孤舟春草亭江湖兩散跡天地一浮萍
隨君我亦入深林送我君今來水潯水或有風波不
定爭如君我百年心

次舍伯韻

河汾敢擬仲淹廬丘整心安一病餘閑意坐看雲去
處好懷開向月生初長消理有先天學動靜圖分太
極書來往弄丸尋丈內百年身計付樵漁

李仁川天基大夫人挽二首

懿訓三遷後遐齡八耄餘高堂戲菜服幾處奉潘輿
更擬專城養誰教列鼎處居然神劍會泣血奈枯魚
昔滯中原日偏蒙眷恤深同宗一家誼令子百年心
竟失升堂拜空成相締吟遙瞻丹旆發落月曉江潯

李祭判行進挽

早受玄軒相國知疎翁谿老許追隨飛騰萬里青雲

志妙歲爭瞻玉樹姿

三十年間寵辱驚
倘來金紫捻浮榮
偏憐白首已琴
勸准向清時仗友生

嶄嶄不減少年豪
病起猶能弄彩毫
時把翠屏都尉
酒笑着榮落付兒曹

君才合置鮑山樓
白雪詩爭讓一頭
虛獎至今知己
感百年孤露淚偏流

瞽咳居然隔半年
音容倏已閱重泉
蕭條一代風流
盡江漢千秋月獨懸

翩翩丹旆指揚山
山下清江幾往還
却憶瀟湘洞庭

句尚留愁色白雲間

贈林生德涵咏

早第誠非幸龍門訓已詳
世間人事業亦不在文章

次答德涵勉我之作

箴戒交相勉知君意已詳
千秋遇避處媿未學焚章

太極亭偶吟

魚躍鳶飛上下間
天根月窟去來閑
百年事業藏諸

用太極亭中弄一環

讀易有懷尤齋

日把義經邵易編
靜觀惟有一環圓
後知太極元無

極始信先天是後天心向一中包廣大事後行處有
經權誰將造化經綸手長對青山抱膝眠

圓方吟示兩甥及諸君來學者

天圓戴吾上地方履吾下吾乃生其間異於禽獸者
頭圓象天圓足方象地方中有一片心具五性之綱
內直主以敬外方制以義體用苟盡性明德合天地
昭哉善惡幾堯桀與舜跖吾黨二三子嗚呼敢不勗

謹次堂伯韻

默究天人理顯微心涵魚躍與爲飛後知情性流行
地妙合陰陽造化機定後光明觀器水靜中閑闔玩

窓扉林間此樂忘年老回首紅塵夢亦稀

李參判廷夔大夫人挽

令子謝青雲一卧江漢上為問何能爾高堂許志養
賢哉是母也不愧龍門獎平生紗幔訓懿範人所仰
方將漁釣供以代甘旨享龍劍倏相合新阡啓舊壙
樂樂大小連泣血不勝杖即遠已有期虞歌發哀唱
忝在瓜葛親慙孤執紼相拜寫挽語揮涕寄莽蒼

有感偶吟寄尤齋

時漂漢到耽羅
朝家縛送北京

南極浮槎海上来紅雲一朵日邊開千秋大義無人
識石室山前痛哭迴

附次韻

尤齋

飄然簪佩問何來
遼界腥雲鬱未開
吾人底事吞聲哭
先主陵前去復迴

尹判府事絳挽

真如威鳳翔千仞
羅整菴來復見公
自是天資合道妙
非關律學有新功
頃歲趨陪德容日
海山秋色照冲襟
如今永與端明隔
麤厲還萌猛起心

題崔承太詩草

崔生手持一卷書
訪我靈芝洞裡居
洞裡居然雪作

花為有卷中千首陽春歌
世不爾知和者寡
風塵局促奈爾何
安得送爾三湘七澤秋
置之白雲黃鶴之高樓

戊申立春日有感口占

漢祚中天那可料
晦翁斯語泣千春
江南此日皇家運
三百年回又戊申

沂川洪相公挽

有聲當徹天有淚當徹泉
古人有斯語而今信其然
自我哭我公聲淚俱已竭
縱匪師生契慟即曾陳切
書思笑語疑夜夢儀形想茫茫
宇宙間四顧我安放

登山復臨水恍惚迷所之傍人恠問我胡為乃至斯
我亦時自笑笑我不達觀原始以反終死生理可寬
自其大者言天地亦泡幻十二萬九千六百歲轉眄
一氣大化中往過來又續其間壽與夭貴賤及榮辱
悠悠何足道畢竟同歸盡自其小者言存沒公寧順
若論公人物不在元祐下天資暗合道上可慕司馬
若論公事業者以清議倡士林推領袖近可比思相
玉立山斗望歲寒松筠操冰壘秋月襟雅量兼文藻
群才囿陶甄東閣無遺士二老仗進退砥柱頽波裡
斷斷愛君忱耿耿憂時語好賢如渴誠恤飢如傷慮

斯文賴有恃隱然喬岳鎮蒼生廣被澤沛然江河潤
履滿若無躬處權若無官眷毗等阿衡寒素同儒酸
真清畏人知寧作矯情態亦邪前席陳守正南宮對
一疏明大義清風追石室此舉最著耳餘外難備列
始終公心跡俯仰知無愧全歸世有幾樹立又如此
雖云未上壽六旬亦近稀生為上相尊死乃大葬歸
世猶失著龜民猶喪父母大名垂竹帛千秋自不朽
諸郎搃才賢誠孝感神明積善有餘慶必能繼家聲
壽貴榮已備來去公何憾春風動丹旒曉月哀歌慘
都人哭相送加額復何日去去至帝鄉玉欄花散

逢迎問是誰樂靜滄洲友市南在公左我伯在公右
日侍 寧考側魚水重懽地俯視蟻蟻豈戀人間
事倘了數十年我亦當隨公無知或有知不悲俱無
窮我非昧此理未死情難抑惟應大司馬此情可默
識至哀本無文以情不以詞又有一篇詩亦只寫我
私擬具鷄絮奠躬將臨穴哭時事日艱虞百身奈莫
贖人誰不知公自謂知公深空懸夜夜青山月分照
平生一片心

乘舟往呂江見洪相葬禮歸時有感口占

婆娑城外數重山相國衣冠葬此間江漢春風三百

里扁舟空載夕陽還

望江亭

巖下虛亭鎖碧蘿門前依舊白鷗波山中無限文無
草欲寄相思奈爾何

游水浴山次崔德裕宣韻

情性元同水清濁靜時為性動為情後知動後情雖
濁濁處寧無靜裡清

金同知光燦挽

恭惟石室老先生宇宙清風日月名世業青箱傳是
子詩書禮樂大家聲

妙年詞賦氣凌雲鴈塔聲名早出群昭代重成妻子
樂驚心往事不堪聞

異域周旋閱歲陪風霜不作楚囚哀精誠上徹天應
感萬里終看漢節回

差池雲路髮先凋志屈飛騰久下僚幾處名區為吏
隱碧樓笙鶴夢迢迢

華髮韶顏映暮年官開水部樂新篇談霏玉屑香留
席耀世清標即地仙

病裡寧為大耋嗟 聖朝優老寵新加同時父子三
金帶一代門闌萬石家

壽星南極遠精淪金玉斯人已返真只幸新阡仍舊
兆即看神劍會延津

病掩郊扉未造朝一封纔又上重霄微誠竟負生芻
莫咫尺青山哭望遙

遺詩 易簣前三日所吟

此疾遽如此斯人而至斯死生都是命來去復奚悲
未就誠明業空違致澤期千年芝洞月虛照靜觀池

一作云此疾遽如此斯人而至斯彭殤都是夢生死
復奚悲草草辭游世茫茫鬱吐思惟餘芝洞月千古
照虛池

静觀齋先生集卷之三

静觀齋先生集卷之三

二十四

